

WANTU

NIUSPEPA BILONG OL PAPUA NIUGINI STRET

Ernst & Young audited/
circulation 15,177

28 pes

Namba 1011

Wik i stat long Fonde, Novemba 11, 1993.

40 toea

PROVINSAL GAVMAN BAI STAP - WINGTI

GODFRIED NIAKA i raitim

MEMBA bilong Wewak, Bernard Narokobi i bin askim Praim Minista Paias Wingti sapos i tru olsem gavman bilong em (Wingti) i bin kamap wantaim tingting bilong pinisim provinsal gavman.

Mista Narokobi i askim Praim Minista Wingti long aste Trinde long kwesten taim long Palamen.

Palamen i bin bung gen long Tunde long holim laspela bung bilong em bilong dispela yia. Long

narapela wik, namba tu Praim Minista na Minista Bilong Fainens na Plening, Sir Julius Chan bai tokaut long nesanel baset bilong narapela yia.

Long bekim askim bilong Mista Narokobi, Praim Minista Wingti i tok em i tru olsem gavman bilong em i bin tingting long pinisim ol provinsal gavman long kantri. Tasol em i tok gavman bilong em i no bin go het na mekim tingting bilong ol i kamap trupela.

Mista Wingti i tok, "gavman bilong mi i no pinisim provinsal

gavman sistem bikos ol provinsal primia i bin egensim dispela tingting".

Long taim ol provinsal primia i holim Nesanel Primias Kaunsil konprens bilong ol long Goroka em i bin stap wantaim ol na paitim toktok long stretim dispela hevi.

Wingti i tok ol i toktok na wanbel long provinsal gavman sistem i mas stap yet. Tasol sampela bikipela senis i mas kamap long sistem.

Wingti i tok Nesanel Eksekutiv

Kaunsil (NEC) i lukluk na glasim ripot bilong Bai Patisen Komiti. NEC i tok orait long kamapim sampela senis long provinsal gavman sistem. Em i tok planti samting i stap insait long ol senis bai kamap, ol i tok orait bihainim wanem ol samting i stap insait long ripot bilong Bai Patisen Komiti.

Bihainim askim bilong Mista Narokobi, memba bilong Bulolo, Samson Napo i askim Mista Wingti long gavman i makim pinis

wanpela komiti long karim aut wok bilong kamapim ol senis. Na long wankain taim gavman i skelim pinis sampela mani long mekim dispela wok.

Mista Wingti i bekim askim bilong Mista Napo na tok gavman bai makim wanpela komiti long mekim dispela wok. Na tu gavman bai skelim mani long nesanel baset bilong narapela yia na komiti bai yusim dispela mani long mekim wok long kamapim ol senis.


Ol Madang i givim han

RIJINOL memba bilong Madang, Peter Barter i bungim ol manmeri long Madang taun na ol i bung long helpim ol manmeri long hap bilong Nahu-Rawa husat i kisim bagarap long bikipela guria.

Mista Barter i bungim ol manmeri long Madang taun bihain long em yet i go na raun lukluk long bagarap ol manmeri long ol ples insait long Nahu-Rawa rijon i kisim.

Mista Barter i tok dispela bikipela guria i i kamapim planti bikipela bagarap long planti hap insait long Madang provins. Bihain long dispela guria i kamap, bikipela ren i kam na graun i bruk. Na planti manmeri i lusim ples, haus, gaden na tu ol arapela samting bilong ol. Na long nau yet, i wok long stap long ol kea senta long Gusap long Ramu Suga.

Memba bilong Madang i tok dispela em i wanpela bikipela hevi long nau yet.



Ples tru i bagarap na hatpela laip i kamap....Dispela em wanpela bilong ol sel haus we moa long 1,000 manmeri na pikinini i wok long stap nau long Gusap klostu long Ramu Suga long Madang provins. Bikipela guria i bagarapim ples bilong ol. Na nau ol i painim hatpela laip.



COASTER BAS

EM NAU... NAMBawan PMV BAS LONG PAPUA NIUGINI NAU ILUK SMAT MOA!

TOYOTA

PORT MORESBY 229400 LAE 422322 RABAUL 921988 MADANG 822188
GOROKA 721844 MT HAGEN 521888 WEWAK 862255 KAVIENG 942132
KIMBE 935155 TABUBIL 589060 VANIMO 871254 PORGERA 579367
ALOTAU : WALTERS WORKSHOP PH 611174

Ela Motors
OLGETA HAP

T u r i s

Bisnis...Tupela opisa bilong Is Sepik Turis Bod-Francis Manau (waitpela trausis) na Elias Parolye (putim hat na sindaun antap) i go raun long bus long wanpela ples insait long Turubu inlen long Is Sepik ol i kolim Namarip. Tupela i go raun lukluk long sampela gutpela ples we ol turis i ken go na lukluk raun taim ol i go na stap long Is Sepik. Olsem na long nau yet Is Sepik Turis Bod i wok long karim aut wok bilong en long painim ol ples insait long provins we ol turis i ken amamas long go na lukim. Foto: Godfried Niaka.



Bai gat senis long Buin kea senta wok gavman sot long kaikai

GODFRIED NIAKA i raitim

NESENEL Eksekutiv Kaunsil (NEC) i bihainim ripot bilong Bai Patisen Komiti bilong provinsal gavman na tok orait pinis long kamapim sampela senis long sistem bilong gavman insait long kantri.

Bihainim dispela tok orait bilong NEC, Praim Minista Paias Wingti i tok dispela em i wanpela bikpela senis long histori bilong Papua Niugini. Mista Wingti i tok dispela em i namba wan taim bihain long independens, gavman i bungim hevi long kamapim sampela senis long gavman na administresen. Ol senis NEC i tok orait long kamapim i karamapim lokal, provinsal na nesanel gavman, pablik sevis, sels takis, nupela wok bilong ol primia na plening long lokal level. Mista Wingti i tok dispela ol senis bai bringim moa risoses i go long ol pipel long ples. Na dispela bai kamapim kantri long develop. Aninit long ol senis bai kamap, Mista Wingti i tok olsem ol lokal level gavman bai kamap moa strong na

kisim mani i kam long nesanel na provinsal gavman. Long wankain taim Dipatmen Bilong Praim Minista bai kamapim wanpela divisen long lukautim wok developmen long lokal level. Dispela bai sapotim lokal level gavman. Bihain dispela divisen bai i go kamap wanpela nesanel plening opis namel long Dipatmen Bilong Praim Minista na Dipatmen Bilong Fainens na Plening. Dispela nesanel plening opis bai lukluk na yusim ol samting i stap long ripot bilong Bai Patisen Komiti. Praim Minista Wingti i tok long bihain ol provinsal gavman bai i gat ol representativ bilong lokal gavman, nesanel open na rijonol memba. Rijonol memba bilong wan wan provins bai kamap primia. Bai i no gat ol minista long provinsal level. Gavman bai yusim wanpela eksekutiv komiti sistem long ranim ol wok. Long nesanel gavman level, primia (rijonol memba) bai stap olsem provinsa representativ. Sapos dispela primia i kamap wanpela minista long nesanel gavman, wanpela arapela representativ long provinsal gavman bai kisim ples bilong em.

VERONICA HATUTASI i raitim

OL PIPEL husat i stap nau long Buin kea senta long saut Bogenvil i sot long kaikai. Na Edministriv seketeri bilong Not Solomons George Lessi i skruim tok pinis i go long man husat i go pas long lukautim ol kea senta long Bogenvil, Tom Viore long mekim samting hariap bilong daunim dispela hevi. Buin taun kea senta em i lukautim planti pipel stret winim ol narapela kea senta long Bogenvil. Namba bilong ol manmeri na pikinini long dispela kea senta nau i stap olsem 4,823. Ripot i kam long opis bilong Mista Lessi long Buka i tok olsem ol pipel i singaut nau long gavman bilong givim ol kaikai samting i go long ol hariap. Bikos ol saplai we ol i kisim pastaim i pinis hariap tasol. Maski ol pipel i wokim ol gaden kaikai klostu long kea senta long helpim ol likli, ol kaikai i no kamap gut bikos graun long hap ino gutpela tumas. Narapela samting tu we i mekim hevi i go bikpela em long graun bilong wokim ol gaden i sot. Bikos long planti pipel tumas i bung i stap long wanpela hap. Tu hevi wantaim trentspot i mekim na ol saplai i no save kamap hariap long ol kea senta. Wanpela bung bilong lukluk long hevi i bin kamap long las Fraide namel long Mista Lessi, Mista Viore na ol wokman bilong Buin distrik Interim Atoriti. Ol hin kamapim sampela gutpela tingting long traim daunim ol hevi ya. Nambawan long ol em, sanapim wanpela stoa haus long nambis bilong Kangu long Buin we ol kaikai, saplai na ol narapela kago i kam long sip i ken go long en. Givim umbeng (net bilong kisim pis long en) wantaim wanpela moto bot i go long ol pipel long dispela kea senta. Ol pipel i kenyusim moto botlong rausim ol kago long sip na tu long yusim long painim pis long en. Ol i mas stretim hap rot i go i kam long Kangu nabis na Buin taun. Pilai i wanpela bikpela samting we i ken helpim ol yangpela bilong provins long wok bung wantaim na strongim ol long stap insait long ol pilai resis insait long kantri. Mista Lessi i laikim gavman long bringim ol gutpela samting bilong pilai i go long ol wan wan distrik long helpim treinin ol yangpela i go hetim strong bilong ol long ol kain kain pilai we ol i gutpela long en. Wanpela bikman wantaim PNG Spots Komisen i sapotim tu dispela tingting. Man ya em Edries Kumbuwash. Em i tok olsem Spots Komisen bai i mekim olgeta samting long helpim treinin ol spotsman bilong Not Solomons sapos ol i kisim askim long helpim i kam long ol bikman bilong provins yet.



Helpim Irogo □ Nao Irogo i wanpela laki man. Inap foapela yia em i no inap long wokabaut. Last wik ol lain bilong Red Cross i kamap long ples bilong em Roku, Sentral provins na givim em dispela wilsia.

PLIS RIPOT



HAGEN: Long Mande bilong dispela wik, Nesanel Kot long Maun Hagen long Westen Hailans provins i bin salim wanpela man i go long kalabus long 16 yia. Bikos kot i bin painim em i rong long kilim dai mama bilong em. Nem bilong man ya em Guba Kilie. Em i bilong Kayuke wanpisa long Tambul eria insait long Westen Hailans provins. Kot i save olsem long Me 23 long las yia, lapun mama bilong Guba i bin dai bihain long Guba i katim het, beksait na han bilong em wantaim tamiok. Jastis Terese Doherty i bin painim aut olsem lapun meri ya i no mekim wanpela samting long pikinini bilong em long kamapim hevi na kros. Na painim dai bilong em. Na tu lapun ya i no bin inap long pait bek taim pikinini bilong em Kilie i paitim em wantaim tamiok.

Kilie i bin stap 17 mun long Bomana haus kalabus long Mosbi bikos dokta i bilip em i long long liklik. Na em bin wok long kisim marasin long Laloki mental hausik we ol i save lukautim ol long long manmeri. Tasol em i kamap orait na ol i salim em i go long Baisu haus kalabus long Maun Hagen. Na pinisim narapela ol kalabus taim bilong em. Kilie i bin tok em i no rong long sas. Tasol Jas Doherty i painim em i rong long kilim nating man na salim em i go long kalabus long 16-pela krismas. Jas Doherty i tok kain rong olsem dispela we man i kilim nating narapela man wantaim no gat gutpela as i wok long kamap bikpela long kantri long dispela taim.

Tasol kot i painim olsem dispela i namba wan taim Kilie i wokim rong na kamap long ai bilong kot. Na em i gat gutpela famili rekot inap i kam long taim em i kilim dai lapun mama bilong em. Kot i rausim wanpela yia na 5 pela mun long 16 yia kalabus taim bilong em long wanem em i bin stap long kalabus long dispela taim na wetim kot bilong em.

MADANG: Ripot i soim olsem sampela man nogut i wok long go long ol ples em ol man i lusim bihain long guria i kamap na wok long brukim ol haus na stilim ol samting na bagarapim ol. Rijonol memba bilong Madang long nesanel Palamen, Peter Barter i bin givim dispela ripot i go long plis long dispela wik bihain long sampela lain i givim ripot long em. Em i laikim ol plisman long mekim sampela samting hariap long stapim dispela hevi long go bikpela. Tupela man husat i bin go long pies we ol man i bin lusim, wanpela long ol em komyniti skul tisa na narapela em sios pasta. Tupela i bin tokaut long dispela samting taim tupela yet i go long ples na painim aut long dispela samting. Tupela i tok olsem ol man nogut i brukim ol

haus long ples na skul na bagarapim ol samting.

Mista Barter i no amamas long dispela kain rabis pasin ol bikhet man i mekim long bagarapim samting bilong ol lain husat i ranawe lusim ples bihain long dispela bikpela guria i kamap. Ol plis i kisim pinis ripot bilong Mista Barter na ol i wok long lukluk long en.

WEWAK: Wewak Distrik Kot long Is Sepik provins, long Mande i salim wanpela man bilong Amerika i go long kalabus long tripela mun wantaim bikpela mekimsave. Kot i painim em i rong long kam insait nating long kantri. Nem bilong dispela man em Patrick Ellis husat i gat 36 krismas na em i bilong Seattle, long Washington long Amerika. Ellis i tokim kot olsem em i rong long dispela sas bilong kam insait nating long kantri. Ol plis long Wewak i bin holimpasim Ellis long taim em i laik kisim balus long Wewak ples balus.

Pokawin i skelim gen provinsal gavman na ol pipel

GODFRIED NIAKA i raitim

OL PROVINSAL primia i wok long toktok yet long tingting bilong nesenel gavman long pinisim provinsal gavman sistem insait long kantri.

Primia bilong Manus provins-Stephen Pokawin i wanpela bilong ol provinsal primia husat i wok long toktok yet long dispela samting.

Mista Pokawin i toktok gen na egensim tingting bilong nesenel gavman long pinisim provinsal gavman sistem long las wik Fraide long greduesen seremoni bilong Passam nesenel haikul long Wewak.

Long greduesen bilong dispela yia, 241 greT 12 sumatin i greduet. Long dispela 241 sumatin, 65 em ol sumatin meri.

Long toktok bilong em, Mista Pokawin i tokim ol sumatin bilong Passam nesenel haikul olsem planti manmeri long kantri i wok long sapotim nesenel gavman long pinisim sistem bilong provinsal gavman insait long kantri. Bikos ol i tok olsem em i kosim nesenel gavman bikpela mani long ranim sistem bilong provinsal gavman long kantri. Na tu dispela levul bilong gavman i no gutpela tumas. Long wanem provinsal gavman bilong wan wan provins insait long kantri i no givim ol sevis bilong gavman i go long ol pipel.

Em i tok tu olsem ol lida long nesenel gavman i luksave olsem provinsal gavman i wok long pasim rot bilong ol long wanem samting em ol i laikim mekim long ol provins. Olsem na ol i mas rausim dispela sistem. Em nau ol i ken mekim wanem samting em ol i gat laik long mekim long ol provins na tu long kantri.

Tasol Mista Pokawin i tokim ol sumatin bilong Passam nesenel haikul olsem tingting bilong nesenel gavman i no karamapim tingting na laik bilong olgeta pipel bilong dispela kantri. Nesenel gavman i laik pinisim provinsal gavman sistem

long helpim em yet.

"Provinsal gavman sistem i no nogut. Dispela levul bilong gavman em i bilong ol pipel long provinsal levul. Na ol pipel yet i ranim dispela levul bilong gavman. Ol pipel i no ken komplek na tok provinsal gavman sistem i no gutpela. Dispela sistem bilong gavman em i wanpela rot we ol pipel i ken wokbung wantaim gavman long developim dispela kantri," Mista Pokawin i tok.

Em i tok taim ol papa bilong kantri i laik putim kamap independens na mama lo bilong kantri, tingting bilong kamapim provinsal na komyuniti gavman i bin wanpela bikpela samting. Na ol papa bilong kantri i bin paitim planti toktok long lukim olsem mama lo bilong kantri i mas i gat provinsal na komyuniti gavman. Bikos dispela samting bai givim sans i go long ol pipel long toktok tu long politikel wok na developmen bilong kantri.

"Mipela long Niugini Ailan rijon, mipela i luksav olsem nesenel gavman tasol i no inap long lukautim olgeta wok developmen bilong kantri. Na tu ol arapela samting we wan wan provins insait long kantri i nidim o laikim. Olgeta kain bikpela wok bilong nesenel gavman i stap tasol long Mosbi. Na i gat kain kain bikpela hevi i stap long Mosbi. Tasol nesenel gavman i no inap long daunim dispela ol hevi," primia bilong Manus provins i tok.

Bikos long dispela as, Mista Pokawin i tok sapos olgeta samting na wok i stap long han bilong nesenel gavman, nesenel gavman i no inap tru long lukautim olgeta wok kamap insait long olgeta provins long kantri.

Em i tok moa olsem long nau yet, nesenel gavman i no save wokim ol gutpela disisen bihainim laik bilong ol pipel bilong dispela kantri. Olsem em i no gutpela long nesenel gavman i kisim na bosim olgeta pawa na levul bilong gavman. Dispela, Pokawin i tok bai kamapim bikpela hevi. Em i tok mipela i mas go het yet na skelim politikel pawa namel long komyuniti, provinsal na lokol levul bilong gavman.



Wiyaka, masalai o tambaran....Em i no wanpela masalai o tambaran man. Em i wanpela man tru ya. Dispela man ya i bilas olsem wanpela tambaran bilong bus na singsing wantaim lain bilong em long amamasim Jubili bilong Bisop Leo Arkfeld bilong Is Sepik provins. Dispela em long las wik Sarere. Foto: Godfried Niaka.



•Sampela sumatin bilong Momase rijon husat i skul long Passam nesenel haikul long Wewak i singsing na amamasim na welkamim primia bilong Manus provins Stephen Pokawin long Wewak ples balus. Dispela em long las wik Fonde taim Mista Pokawin i go long Wewak long givim toktok long greduesen bilong Passam nesenel haikul.

Paia kukim ples Rogosak

SAMTING olsem 92 manmeri na pikinini bilong ples Rogosak samting olsem long Bogia distrik long Madang provins i bin lusim planti samting taim paia i kukim ol haus bilong ol.

Paia i bin kamap namel long 10 na 11 klok moning. Dispela paia i bin kamap long bus na kalap i go long ples. Planti lain long ples i lusim pinis ol samting na ol i no gat kaikai na ples bilong slip. Olsem na ol i laikim helpim i kam long provinsal na nesenel disasta na emegensi sevis.

Wanpela man husat i

bin stap na lukim paia i kukim ol samting i tok, paia i bin stat long bus. Tasol strongpela win i mekim na paia i go long ples. Paia i bin kukim ol lip bilong saksak na kokonas na klap i go long haus bilong ol lain long ples. Ol i bin painim hat long stapim bikos win i bin kamap bikpela tru.

Kaunsola bilong ples Rogosak, John Marguma i tok ol pipel bilong em i laikim ol kain samting olsem haus sel, kaikai na wara.

"Ol pipel bilong mi i lusim planti samting long paia. Mipela i painim hat long wokim haus bikos paia i kikim ol rop long bus na lip bilong saksak na

kokonas. Na em bai kisim sampela taim bipo long nupela lip bilong saksak i kamap bikpela," Marguma i tok.

Paia i kamap bikos nau yet ol pipel bilong Bogia distrik i no kisim ren. Ol arapela pipel long Karkar, Madang, Upper na Lower Ramu tu i no gat ren long longpela taim nau. Na planti samting i drai nabaut.

Dispela paia long Rogosak i bin stat long bus na winim i strong na paia i kalap i go long kokonas na kakao plentesis. Ol lain long ples i traim stapim tasol paia i strong moa yet



WANTOK

NIUSPEPA BILONG OL PAPUA NIUGINI STRET

Nius i kam long Not Solomons provins long dispela wik

Woks Dipatmen i sloim daun ol wok

Skelim stret mani bilong kantri

Palamen i kibung gen nau. Bikpela toktok long dispela kibung em bai baset bilong 1994. Olgeta pipel i putim ia long dispela. Wan wan gavman dipatmen i wet long skel bilong ol. Wan wan provins tu i wetim skel bilong ol. Wan wan manmeri tu i wet long lukim sapos dispela mani bai go long bringim sevis o bai go long poket bilong gavman.

Baset bilong kantri em i bikpela samting. Na yumi hop ol memba bai paitim toktok na skelim gut mani. Oltaim gavman i save dinau long bikpela mani tru long ol ovasis beng long skelim long baset. Olsem na yumi laik lukim mani i go stret long ol wok bilong helpim kantri.

Maski long wan wan minista i pulim na taitim na pasim long projek bilong em, o ministri bilong em. Dispela mani i bilong ol pipel bilong Papua Niugini. Na ol pipel bilong dispela kantri i gat rait long lukim pes bilog mani.

Ol haus sik i pas bikos ol i sot long mani. Ol skul i pas bikos i no gat mani long baim ol kaikai, o stretim ol paip i bruk, o baim ol buk na pensil. Olgeta wik yumi save harim ol dispela kain ripot i kamap. Olsem na mobeta yumi skelim gut liklik mani bilong kantri na olgeta manmeri i kisim stret skel bilong ol.

I KAM INAP nau, Nesenel na Provinsal Woks Dipatmen long Not Solomons i lusim mani inap long K764,688 long stretim gen ol samting long Bogenvil.

Tasol planti prosek i no pinis hariap long taim ol i makim bikos ol wokman bilong tupela dipatmen ya i slek long wok.

Ol toktok i kam long wanpela kontrak opisa bilong dipatmen long Buka i soim olsem pasin bilong pulim toktok namel long tupela dipatmen i save westim taim bilong prosek. Na tu bikpela mani i lus nating long dispela pasin tasol.

Toktok bilong politiks tu i kam insait long ol wok na i bagarapim ol planti wok long ailan.

Woks kontrak opisa nau i singaut strong long ol siefs bilong ples long wok bung wantaim ol wokman bilong dipatmen na helpim ol wokman long go hetim ol wok kamap long ailan.

Planti ol prosek we provinsal Woks i mekim aninit long Bogenvil restoresen

program em ol wok bilong sanapim opis bilong provinsal edministresen long Buka, haus slip bilong ol studen na tisa long Hutjena na Tarlena provinsal Haiskul na tu sanapim na stretim ol helt senta.

Mani we dipatmen i yusim long wok em i hap long restoresens program mani we nesènel gavman i givim i go long provins.

Orait, bilong stretim Skotolan helt senta klinik long Wes Buka na tu sanapim tupela haus slip bilong ol wokman long Wakunai helt senta long Not Sentrel Bogenvil, dipatmen bin lusim K95,000. Narapela K30,000 i lus long sanapim ol haus slip bilong ol nes long Gagan sab helt senta long Buka. Na tu long stretim helt senta we ol trabel man i bin bagarapim long taim bilong bikpela hevi.

Wok bilong stretim pawa haus long Kubu gavman stesen long Buka na tu bilong kamapim ol sekuriti kem long hap, i kostim dipatmen samting olsem K36,645.

Ol wokman bilong dipatmen bin mekim tu sampela wok meintenens long ol haus na opis bilong gavman klostu long Buka ples balus. Dispela wok bin kostim mani inap long K26,609. Na bilong wokim Not Solomons edministretiv opis long Buka, dipatmen i lusim moa long K74,000.

Taim ples i kamap orait, ol i kirapim bek gen planti long ol komyuniti na hai skul insait long provins we i pas long foapela yia. Bikpela wok i stap bilong stretim ol biding bilong skul

Tripela haus tisa na tupela haus slip bilong ol sumatin wantaim skul mes, saiens leb na tupela dabel klasrum long Hutjena haiskul i kostim Provinsal Woks dipatmen samting olsem K313,434 long mekim. Narapela K89,000 i lus long bildim ol wankain biding long Tarlena haiskul long Buka yet.

Planti long ol dispela wok prosek bilong Wok dipatmen i wok long go het yet. Tasol ol i pinisim pinis sampela.

Planti tim i soim pes

NOT SOLOMONS Provinsal Gem long dispela yia i bin kamap gut tru na planti ol lain i bin amamas long lukim pilai i pinis gut.

Olgeta pilai i bin kamap long Wakunai, dispela pilai i bin pulim samting olsem 2,000 spot man na meri. Ol dispela lain i makim ol Interim Atoroti eria bilong Buka, Not Wes, Not Is, Saut Wes, Telei na ol liklik ailan long Nissan.

Nesenel memba bilong Sentral Bouganville, Joseph Egilio i bin stap na lukim dispela pilai. Long taim em i pasim dispela pilai em i tokim ol lain husat i kamap olsem dispela bikpela pilai ol i kamapim i helpim ol pipel long bung wantaim ken.

Em i tok long taim bilong trabel planti yangpela i bin stap wantaim pret na raun

long laik bilong ol. Na dispela bikpela pilai ol i kamapim i bringim olgeta yangpela long bung na mekim pren wantaim ol arapela yangpela bilong ol arapela ples.

Egilio i tokim ol yangpela olsem taim bilong stap wantaim pret em i pinis. Na nau ol i mas lukluk long gutpela samting long kamapim nupela Bouganville ken.

"Mipela i mas yusim spot olsem rot long kamapim nupela Bouganville," Egilio i tok.

Bihain long dispela bikpela pilai ol i kamapim pinis Not Solomon Spot Kaunsil. Nau yet ol i no makim ol opisal long lukautim opis bilong spot kaunsil.

Administrativ seketeri bilong Not Solomon. George Lesi i bin kamap tu.



Em nau, mekim save....Ol lain yangpela meri long Buka i wok long mekim save long Solomon danis long amamasim opening bilong nupela. Redio Not Solomons long Buka long tripela wik i go pinis. Minista Bilong Infomesen na Komyunikesen Martin Thompson, bosman bilong Kundu Sevis long NBC Don Penias wantaim ol arapela bikman long ol lokol redlo stesin long Niugini ailan rijon na tu ol bikman bilong Not Solomons provinsal edministresen i bin stap long dispela bikpela de.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BIABIA INO SAVE ABRUSIM LOTU LIKLIK... OLGETA DE EM I SAVE GO KLINIM HAUS LOTU NA LONG SANDE, EM BAI PES MAN TRU LONG GO SINDALIN LONG FRAN STRET...

WANPELA DE EM I GO LONG LOTU NA KLINIM I STAP... OLPELA PORO BILONG EM LUKIM EM NA GO BIHAINIM EM NA HAIT INSAIT...

HE! HE! BAI MI GIAMANIM EM!

BIABIA INO SAVE... NAU PORO BILONG EM I SINGAUT I GO LONG BIABIA... EM I TOK OLSEM EM I WANPELA ENTJOL NA BIABIA I BILIP TRU...

BIAABIA!! YU MAS BAIIM WAANPELAA SIKS PEK BILONG JOU!

ORAIT, ORAIT... BIKMAN... MI BAI BAIIM SIKS PEK BILONG JOU!

NAU PORO YAH I KUS NA BIABIA I LUKSANE OLSEM EM PORO BILONG EM... EM BELHAT NOGUT TRU NA RAINIM EM I GO AIT...

HOI! ISI YAH! MI GIAMAN TASOL YAH!

YU GUK SATAN! GUK!

Buka pos opis klostu bai redi

ALOIS SAMI i raitim

INSAIT long ol bikpela hevi long Bogenvil, planti samting long ailan i bin bagarap long han bilong ol trabel man. Ol i bin kukim, brukim na bagarapim ol haus bilong gavman, ol kampani na bilong ol man nating tu.

Wanpela long ol em long Buka pos opis we i stap long Kamarau insait long Buka taun. Orait long nau, wok bilong sanapim Buka pos opis i klostu pinis.

Wanpela biding kampani bilong Is Nu Briten provins ol i kolim Sauten Entaprais i winim kontrak namel long K40,000 long mekim wok bilong sanapim dispela opis.

Long nau, Buka pos opis i yusim wanpela donga olsem opis bilong en long givim sevis i go long ol pipel.

Bosman bilong Sauten Entaprais kampani long Buka, Julai Eruel i tokim Wantok ripota

long Buka olsem hevi long kism ol biding metiriel i kam long ailan i slekim wok bilong pinisim hariap opis ya.

I luk olsem insait long wan mun samting, olgeta wok bilong dispela haus bai i pinis.

Long wankain taim tu, Sauten Entaprais wantaim narapela tupela biding kampani em long Sigamata Konstraksen na Aropa Bildas i winim wanpela kontrak long wokim nainpela haus slip bilong ol gavman wokman long Hutjena. Wan wan haus bai i kostim K40,000 long bildim. Na kontrak bilong 9 pela haus wantaim inap long K360,000.

Sauten Entaprais i winim narapela kontrak gen long sanapim wanpela Edukesen Risisis Senta long Buka. Wok kontrak ya bai i kos samting olsem K45,000.

Bosman bilong dispela prosek Michael Poposan i tok olsem wok long dispela prosek bai pinis long mun Disemba.

PLIS

RIPOT



i kam long pes 2

Ellis wantaim wanpela man Papua Niugini i bin ron long wanpela selbot. Ellis i bin kisim dispela man long Kadawar ailan na tupela i go long Wewak. Taim tupela i kamap long Wewak bris, tupela i lusim bot na suvim solwara i go long nambis. Bihain Ellis i go long ples balus long traime baim balus tiket bilong em. Long dispela taim ol i painim olsem em i no gat gutpela tokorait.

Ellis i no gat visa o paspot pepa long givim em tokorait long kam insait long PNG.

Em i stap nau long han bilong ol plis long Wewak husat i mekim ol wok painim aut long em.

RABAU: Kot bilong wanpela sip bilong Niugini Lains kampani, MV Kris we i bin kapsait long bik solwara namel long Morobe na Wes Nu Briten provins long Ogas 19 long dispela yia i wok long go het nau long Rabaul. Tupela pasindia na wanpela wokman bilong sip i bin dai long dispela bagarap. Na 5 pela narapela i bin lus.

Long dispela taim tu Rabaul anda 20 soka skwat tim i bin stap long sip taim ol i bin laik go bek long Rabaul.

Wanpela long tripela lain husat i dai em wanpela liklik pikinini husat i gat 6-pela krismas. Em i bilong Lufa insait long Isten Hailans provins. Nem bilong pikinini ya em Kapali Romofu Maima. Narapela pasindia em Yensan Jack husat i gat 34 krismas. Namba tri man em i wanpela kuk bilong sip. Nem bilong dispela kuk em Boison Dau Ingeru husat i gat 38 krismas.

Dispela kot i bin kamap long Rabaul long dispela wik Mande. Kot i singautim pinis sampela witnes long givim stori bilong ol long dispela

Wok bilong painim gol long Goilala distrik

KLOSTU long pinis bilong 1994, Sentral provins bai i kamapim gol.

Dispela samting bai i kamap bikos ol i painim pinis gol long Talakuna eria bilong Goilala distrik insait long Sentral provins.

Ol toktok i kam long opis bilong primia bilong Sentral provins Paul Kipo i tok olsem klostu long pinis bilong 1994, Sentral provins bai i kamapim gol we hevi bilong en i stap olsem long 50,000 aunsis long wan wan yia. Ol i ting olsem mani we dispela gol prosek i kamapim long kantri insait long wan wan yia bai inap long samting olsem long K105 milien.

Nau ol primia bilong ol arapela maining provins long kantri i wok long singauti tumas long bikpela hap sea long prosek we i stap long hap bilong ol.

Tasol Mista Kipoi i no wanbel wantaim dispela pasin. Bikos em i tok ol maining prosek i no inap stap longpela taim. Olsem na em i laikim gutpela wok kamap we bai i stap long olgeta taim na ol pipel i ken kisim helpim long en.

Long wankain taim tu, em bai pait strong long ol papagraun bilong Talakuna eria long kisim gutpela win na kompensesen mani wantaim ol narapela wok kamap long egrikalsa na forestri i go het long eria bilong ol. Mista Kipo i laikim kampani husat bai i kirapim maining prosek long wokim gutpela rot bilong ol pipel long Talakuna na Fane eria igo kamap long Hiritano Haiwe. Long nau ol pipel bilong dispela eria i no gat gutpela rot. Ol i yusim tasol ol liklik balus long go na kam long hap bilong Goilala.

Pastaim ol i bin ting olsem Talakuna maining prosek bai i kisim sikspela yia tasol na i pinis. Tasol i no long taim i go pinis, oli painim gen tripela eria insait long Talakuna wei gat gol long en. Na prosek bai i go het insait long 18-20 yia samting.

Kampani husat i papa long Talakuna maining prosek em long Dome Niugini Ltd.

Mista Kipo bai i toktok wantaim long nesanel gavman long lukluk long dispela samting bipo ol i givim tok orait i go long Dome Niugini Ltd long go hetim tru ol wok bilong painim gol long nupela eria we ol painim go' long en.

Unagi givim skul long ol papamama

GODFRIED NIAKA i raitim

WANPELA askim i go nau long olgeta papamama insait long Mosbi siti long kontrolim na lukautim ol pikinini bilong ol.

Ol papamama i mas lainim na skulim ol pikinini bilong ol long gutpela pasin. Na tu i mas skulim ol long wanem samting i gutpela na wanem samting i no gutpela. Em nau ol pikinini bai luksave na ol i ken traime

long kamapim gutpela sindaun long laip bilong ol long bihaintaim.

Siaman bilong Nesanel Kapitol Distrik Komisen (NCDC), David Unagi i mekim dispela ol toktok long las wik Sande long Pot Mosbi.

Mista Unagi i mekim dispela ol toktok taim em i opim wanpela bikpela bung bilong ol yangpela bilong Seven

De Adventis (SDA) sios insait long Nesanel Kapitol Distrik (NCD).

Mista Unagi i tok papamama em ol namba wan tisa bilong ol pikinini. Bikos pastaim long ol pikinini i go long skul, papamama bilong ol i save skulim ol pastaim. Olsem na ol papamama i no ken stop long skulim ol pikinini taim ol pikinini stat long go long skul. Ol i mas go het yet long skulim ol inap ol i kamap bikpela manmeri.

Em i askim ol yangpela bilong SDA sios insait long NCD long stap olsem ol gutpela manmeri bilong dispela kantri. Na go het long wokim wok bilong sios bilong ol. Bikos dispela bai soim ol arapela yangpela manmeri long luksave na lusim ol bikhet pasin ol i wok long kamapim.

Taim Mista Unagi i opim dispela bikpela bung bilong ol yangpela bilong SDA sios insait long NCD, em i tokaut olsem em bai givim ol wanpela sek

mani inap K10,000. Orait long Mande, Novemba 8, em i holim wanpela bung bilong ol niusman na givim dispela sek mani i go long man husat i save go pas long oganaisim na ranim bung bilong ol yangpela bilong SDA sios long NCD-Daniel Lavaiaamat.

Ol meri amamas long bung

OL MERI bilong Bomana CIS Staff Wimens Felosip husat i bin stap insait long wanpela lotubung long Popendetta las wik, i tok ol i lainim planti samting long dispela bunglotu.

Planti ol lain bilong AOG sios long Mosbi i bin go na bung wantaim ol lain long Popendetta. Long dispela bung Tabubil i bin salim wanpela maumeri taim Alotau i salim tupela maumeri.

Grup bilong Bomana CIS i no bin makim wanpela sios grup bikos ol memba bilong ol i kam long kain kain lotu olsem Yunaited, Lutheran, Engliken na ol pentikostel sios long CIS.

Ol dispela meri i tok ol i bin lainim planti samting tru long pasin bilong kristen. Ol i bin lainim long helpim ol arapela pipel na ol i no ken tingting long ol yet.

Wanpela samting ol lain bilong Bomana CIS i wokim em long go na lotu wantaim ol lain bilong Biru CIS. Ol i bin amamas tru taim ol i mekim lotu wantaim ol famili bilong ol wokman na kalabus manmeri long Biru haus kalabus.

Ol meri i givim bikpela tok amamas bilong ol i go long Saplin bilong Bomana CIS long helpim ol long go long dispela bunglotu.



•Seketeri bilong ol yangpela bilong SDA sios insait long NCD Jenny Oli i makim ol yangpela bilong SDA sios na givim wanpela presen i go long Mista Unagi taim Mista Unagi i givim dispela K10,000 sek mani i go long ol. Foto: Godfried Niaka.

Boram haus sik i sot long mani

OL HELT atoriti long Boram jenerel haus sik long Wewak long las wik i bin rausim sampela manmeri na pikinini husat i no gat bikpela sik i go bek long ples bilong ol.

Dispela long wanem Boram haus sik i painim bikpela hevi we i no gat mani. Na haus sik i no gat inap kaikai long lukautim olgeta sikmanmeri na pikinini husat i stap long ol

wod long haus sik. Eking provinsal asisten seketeri bilong Helt, Sari Wimban i tok dispela em i wanpela bikpela hevi haus sik i bungim.

Mista Wimban i tok ol i rausim ol manmeri na pikinini husat i no gat bikpela sik long haus sik bikos i nogat inap kaikai. bikos i no gat mani long baim kaikai.

Em i tok Boram haus sik i save holim samting

olsem 400 sikmanmeri na pikinini. Orait long las wik ol i rausim moa long 100 manmeri na pikinini husat i nogat bikpela sik.

Em i tok moa olsem Boram haus sik i nidim samting olsem olsem K15 o k16,000 long wan wan mun long lukautim ol sikmanmeri na pikinini long kaikai. Na hevi nau haus sik i bungim, Mista Wimban i tok i kos inap long

samting olsem K40 o K50,000.

Wimban i tok ol i toksave pinis long Dipatmen Bilong Fainens na Plening long hevi ol i bungim. Na Dipatmen Bilong Fainens na Plening i tokim divisen bilong Wewak long redim mak bilong mani ol i nidim. Na fainens opisa long Wewak i wok long stretim nau ol samting



Paitim Toktok... Dispela em ol lain Katolik tisa husat i bin paitim toktok long ol samting i karamapim ol Katolik ejensi skul.

Ol tisa i paitim toktok

LONG namba 5 bung bilong ol Katolik Tisa Asosiesen long Sen Pols Pastorel Senta long Lae, ol i bin toktok long ol samting i karamapim ol Katolik ejensi skul.

Moa yet long senis we i kamap long skul sistem stat long nau i go inap long yia 2000. Wanpela long ol em long komuniti na haikul top ap.

Sios i wari bikos gavman i tok long givim mani bilong statim dispela senis tasol i luk olsem i no gat mani nau bilong mekim dispela wok.

Narapela bikpela samting we ol i bin lukluk long en em long gutpela wok bung namel long ol sumatin, tisa na ol papamama. Dispela em i bikpela samting long kamapim na go hetim gutpela Kristen pasin long ol.

Asosiesen bin kamapim wanpela askim we ol i laik bai nesanel gavman i lukluk long en. Em long gavman i ken givim mani long lukautim ol Katolik edukesen seketeriet long ol Daiosi long kantri.

Poto ya i soim ol lain manmeri husat i bin stap insai long konprens long Goroka. Ol i makim 7 pela Daiosisi long kantri.

TU MINIT TINGTING OL NUPELA KAIN KING

LONG wan wan kantri tude i gat king yet. Tasol i no planti. Pastaim tru, king em i bikpela man tru: em i bosim olgeta dipatmen bilong gavman na em i bosim ol kot tu. Olgeta pawa i stap long han bilong em wanpela tasol. I no gat ileksen samting, nogat. Pikinini bilong kwin i save kamap king nating. Na olgeta manmeri nating ol i mas bihainim laik bilong em tasol. No gat vot bilong ol.

Sapos yumi tok long ol maunten o tri o enimal o pis samting, na yumi gat tok long king bilong ol, ating em i wanpela i bikpela tru o em i antap tru o em i strongpela tru o em i saveman tru. Bikos king em i bikpela man tru, olgeta pipel nating i save brukim skru long em, na givim kis long han bilong em, na tok amamas tasol long em, na oltaim "yesa" long em tasol.

Long taim Jisas i sanap long ai bilong Paillet, em i tok stret, "Yes, mi king." Nau Paillet i pret, tasol Jisas i pinisim wari bilong em long dispela tok, "No waris! Mi no king long dispela graun. Kingdom bilong mi i no bilong hia."


Yesa, Jisas em i narakain king tru: em i no gat interes long

biknem na pawa. Nogat. Em i tok olsem, "Mi no bin kam bai ol man i ken mekim wok nating long mi. Nogat. Mi bin kam bilong helpim ol." (Matyu 20:28) Nau em i tanim long ol aposel na i tok moa, "Husat man i laik stap namba wan bilong yupela em i mas stap olsem wokboi nating bilong yupela."

Long dispela kain tok, Jisas i faulim tingting bilong ol aposel. Nabaut long ol, ol i lukim olsem wanem na ol bikman na nambaman i save bosim tru ol manmeri aninit long ol. Ol i paitim han tasol, na ol wokman i ran i kam. Ol i gat bikpela lain manmeri bilong sambai na helpim ol tasol.

Nau Jisas i kam na i tok: Sapos yu laik kamap bikpela man o meri long lain bilong mi, yu no mas stap antap long olgeta arapela pipel. Nogat. Yu mas stap aninit long ol. Man o meri i win long mekim wok long helpim ol arapela manmeri, em i king. Em i nam-bawan.

Ol dispela aidia bilong Jisas i



FRANK MIHALIC i raitim

nupela samting tru. Tasol isi isi na ol manmeri bilong graun i lukim ol Kristen i bihainim dispela lo bilong Jisas long stap wokboi na wokmeri nating bilong ol arapela pipel, na ol i tok amamas long dispela pasin. Yesa, ol manmeri i save pret long pawa bilong king. Tasol ol i laikim man/meri i win long wokim olkain gutpela pasin bilong helpim ol arapela manmeri.

Ol pipel i laikim tru dokta o nes i no kaunim ol awa na i go het tasol na helpim ol sikman. Ol i laikim tru man o meri i save sindaun namel long ol manmeri nating na harim ol wari bilong ol na skulim ol. Ol i laikim bosman i save go insait na helpim ol wokman bilong em. Ol i laikim man o meri i gat taim long givim yau long ol askim bilong yumi.

Long ai na tingting bilong Jisas, ol dispela kain man na meri ol i king (o kwin), na ol i bikpela man/meri i gat bikpela save, em tu i no win. Na man/meri i bosim planti mani long beng, em i samting nating. Na man/meri i bosim planti graun na kampani, em i no samting tru long ai bilong Jisas.

Jisas i save skelim man/meri long dispela wanpela kwessten tasol: em i bin helpim hamas manmeri?

Dispela astingting bilong Jisas i ken strongim bel bilong planti yumi manmeri i gat wok bilong helpim ol arapela manmeri. Yumi ting tasol long ol dokta na nes na tisa na papamama na hostes na

kuk na draiva na man bilong brumim strit, na ol mumutman, na ol niusman na ripota, na ol pablik sevan. Sapos yumi no gat king o kwin, em i samting nating. Tasol sapos ol dispela pipel i no wokim wok bilong ol bilong helpim yumi olgeta, bai yumi olgeta i mas go bek sindaun long bus. Yumi no inap sindaun gut; yumi hangamap long ol.

Dispela kain wok bilong helpim ol arapela - em i wanpela kain wok Jisas i laikim. Em yet i bin mekim, na em i dai bikos em i bin mekim dispela kain wok. Sapos i olsem, orait, yumi olgeta manmeri i save mekim dispela kain wok helpim, yumi mas mekim gut tru bai yumi kamap king (o kwin) bilong dispela kain wok bilong givim sevis long ol arapela pipel.

Em i kristen pasin tru. Planti yumi i save holim dispela kain wok bilong givim sevis. Nau yumi mas praut long dispela kain wok na mekim gut na tingim dispela samting: Jisas em i king bilong olgeta manmeri i save helpim arapela. Em i mining bilong Jisas Krais King.



• Ol lain yut long Mosbi i amamas na bung na holim tupela nait felosip bilong ol. Foto: Louis Warimi.

Ol yangpela i kisim blesing long Bomana

JAMES KILA i raitim

PLANTI ol kristen manmeri i bin amamas tru long lukim 28 yangpela manmeri i kisim konfemesin long Bomana long Sande Novemba 7.

Dispela ol lain Luteran manmeri i bin pinisim wanpela Baibel kos na i bin redi gut tru na bihain ol i kisim konfemesin. Baibel stadi kos i bin winim 5-pela mun ogeta.

Namel long ol dispela 28 pipel, i gat sampela pikinini bilong ol woda

bilong CIS Bomana, na sampela bilong Mumeng eria long Morobe provins.

Pasto bilong Luteran kongrigesin na seplin bilong Bomana Plis Koles Reveren Sonmy Setu i tokim ol lain husat i kisim konfemesin olsem "Long ai bilong God na bilong dispela kongrigessen, yu tok pinis long yu laik bihainim Jisas. Nau long nem bilong Jisas mi tokim yu olsem yu ken kaikai komunian na mekim wok bilong kongrigesin."

Ol lain papamama na wantok bilong ol lain ya

i bin bringim planti presen na kaikai long amamas wantaim pasto Setu, na ol narapela hetman bilong sios.

Wanpela lain singsing grup bilong Kapin long Mumeng i bin singsing na bringim ol lain bilong konfemesin i go insait long haus lotu.

Tok bilong God strongim ol yangpela manmeri ya em "Yupela i mas was gut na sanap strong long bilip. Yupela i mas stap strong, na yupela i no ken pret long wanpela samting." (1 Corinth. 16:13)

Tupela bikpela de bilong ol Katolik long Is Nu Briten

SAMTING olsem 45 manmeri na ol sumatin i bin kisim konpemasio o strong insait long wanpela kombain sios sevis long Makurapau komyuniti Tapo Katolik peris long Rabaul long Sande Oktoba 17.

Ol lain bilong Katolik Sios insait long siksipela plantesen olsem Ulaveo, Tokua, Raiven, Watta, Kulaun na Makurapau long Kokopo Dineri i bin kisim strong insait long wanpela sios seremoni we klostu 1,600 pipel bin stap long en.

Orait, 20 man na 25 meri i bin kisim strong long dispela bung long Makurapau.

Ol pipel bilong tripela sios olsem Luteran, Yunaited na Baptis i bin bung wantaim ol

lain bilong Katolik Sios na go hetim sevis long dispela taim.

Bihain long seremoni bilong kisim strong na lotu, i bin gat ol toktok we ol man i makim wan wan sios i mekim. Ol kaikai i bin redi i stap tu na ol pipel i bin kaikai pastaim bipo ol go bek long wan wan plante-sen bilong ol.

Bos bilong Peter ToRot Koles, Pater Henry Pansigil wantaim ol lain Katekit bilong em bin go pas long redim ol samting bilong dispela lotu na seremoni.

Orait, bilong amamasim na pinisim gut dispela bikpela de, i bin gat ol tumbuna singsing na ol pilai drama stat yet long 1 Klok apinun i go inap long 6

klok apinun.

Asdaiosis bilong Vunapope i bin holim tu wanpela bikpela lotu sevis long Sarere Oktoba 16.

Insait long sevis 24 manmeri i bin graduet olsem ol katekis bihain long ol i pinisim skul long Pastorel wok insait long Peter ToRot, Katekis Koles long Kininugan long tupela yia.

Ol, 18 man na sikis pela meri i bin graduet long holim wok katekis long ol peris long Vunapope Kokopo Dineri.

Asbisop bilong Rabaul Asdaiosis Karl Hesse bin go pas long sevis. Ol bin givim wanpela kruse na wanpela buk Baibel i go long wan wan

katekis long dispela seremoni. Kruse em i mak bilong soim ol manmeri insait long ol komyunit na peris

olsem ol katekis i mekim pastorel wok long autim Gutnius.

Bihain long sios sevis, Dairekta bilong ol

katekis Joseph Mariau wantaim bos bilong koles Pater Henry Pansigil na Vika General Pater Thomas Tukaliu

MSC bin toktok long ol katekis na ol pipel husat i bin stap long seremoni.




• Dispela em ol lain husat i bin kisim konfemasio bilong ol long Tapo Katolik peris long Is Nu Briten provins.



**Pukpuk
Bisnis
bilong
Saina**

•Ol Saina i gat wanpela kain bilip olsem ol mit bilong ol pukpuk i ken kamapim wanpela nupela maket long ol fama husat i save lukautim ol pukpuk. Dispela bilip i bin stap strong tru long ol Saina bilong taim bipo. Ol i holimpas dispela bilip bikos dispela bilip bilong ol i save karim kaikai. Tasol dispela man long potu ya i no wanpela Saina bilong bip. Nogat. Em i wanpela bilong tude. Long dispela potu yu ken lukim em i hangamapim ol pukpuk na sanap wantaim puk i stap. Em i wanpela fama husat i save lukautim ol pukpuk. Na bihain kilim ol na salim long kisim mani.



Hankais : Praim Minista bilong Keneda-Jean Chretien i wokim pani na lukluk long hanwas bilong em na tokim ol niusman na meri hamas taim emi bin stap olsem praim minista. Dispela em long taim Namba Tu Presiden bilong Amerika-Al Gore i salensim wanpela man nem bilong Ross Perot long toktok long wanpela Agrimen bilong Not Amerika Fri Tred. Long beksait bilong Mista Chretien em tupela bodi gad i sanap i stap.



• Wanpela man long Shanghai long hap bilong Saina i pulumapim wilwil bilong em long ol tala bilong ka na kisim i go long wanpela kampani husat i baim dispela ol tala. Dispela em i wanpela rot we i helpim ekonomi bilong ol i kamap moa bikpela.

"BEAT THE BLACKOUT BARGAINS"

KEROSENE HURRICANE LANTERNS

Small	Were K3.99	Now K2.85
Medium	Were K4.25	Now K3.99
Large	Were K11.10	Now K6.95

HONDA GENERATORS

EG 1200	Were K920.00	Now K875.00
EB 1500	Were K975.00	Now K899.00
EG 2200	Were K1095.00	Now K955.00
EM 3000	Were K1430.00	Now K1349.00
EM 4500	Were K2040	Now K1925.00


DIESEL GENERATORS

Honda 3.5KVA Diesel Generator	Was K2610.00	Now K2475.00
Honda 5.5KVA Diesel Generator	Was K2925.00	Now K2775.00




HELPING TO BUILD THE NATION
WAIGANI STORE ONLY!

Phone: 25 6755 Sales Office Direct Fax: 25 4178




• Wapela man husat i save sapotim Bol-sheviks i toktok long soim sapot bilong em.



• Dispela em ol ami bilong Intiria Ministeri husat i sapotim presiden Yeltsin.

• Dispela ol poto long antap i soim ol haus em paia i bin kukim long California long Amerika. Paia i bin kamap na win i karim paia na ol man i painim hat long stapim paia.



Antap.. Taim ol ami i kisim pawa long lukautim kantri Haiti planti man i lusim laip bilong ol. Dispela em i wapela long ol man husat i lusim nating laip bilong em long han bilong birua.

Lephan.. Boris Yeltsin i toktok antap ol nius man bihain long em i rausim palamen bilong Rasia. Long dispela taim planti lain husat i wok wantaim em i no bin tok orait.

YAMAHA

Marine




Powering the Nation



NIUELA NAMEL CONSOLE

I kam wantaim olgeta samtım, mekim olgeta samtım i wok long wanpela hap tasol na i gat ful stia sistem, dispela nupela console inap givim yu bikpela hap bilong lukluk, hevi bilong ol kago bai go long olgeta hap, na yu no inap wari long bot i tantanim nabaut. I gat i stap nau bilong ol 14ft, 19ft na 24ft model long olgeta stua bilong Ela Motors long Kantri.



HAMAMAS TRU LONG WOKIM LONG PNG

Sampela bilong ol ekspiriens man stret bilong Kantri i save wokim ol dispela Yamaha FRP Bot long Milen Be Provins aninit long Yamaha Laisens bilong Japan, wantaim ol nupela Senta Console yunit. Mipela i hamamas tru long saptim ol lain bilong yumi yet husat inap wokim ol top kwaliti samtım em mipela i save yu olsem yu ken hamamas long kisim na pinisim laik wantaim.

YAMAHA
Marine

Ela Motors

Sampela ESCOW wokmeri laik daunim ESCOW

Dia Edita

Mi wanpela man husat i save sapotim tru wok Is Sepik Kausil Bilong ol Meri (ESCOW) long Is Sepik provins i save karim aut. Tasol nau mi laik autim wanpela liklik bel hevi bilong mi. Bikos mi no amamas long wanpela samting sampela wokmeri bilong ESCOW i save wokim.

Wari bilong mi i olsem: I no longtaim i go pinis mi bin harim na tu mi wok long harim yet planti manmeri insait long Wewak taun i wok long tok olsem sampela wokmeri bilong ESCOW i save paul raun wantaim ol man na mekim pasin nogut.

Mi laik tokaut stret i go long ol wokmeri bilong ESCOW olsem long nau yet, planti

manmeri long Is Sepik provins i wok long sapotim wok bilong yupela. Bikos yupela i wok long karim aut wok bilong yupela na helpim planti manmeri long ol rurel eria insait long provins. Na long wankain taim planti manmeri tru i wok tingting long askim yupela long kisim sampela kain helpim.

Olsem wanpela strongpela sapota bilong ESCOW, mi pilim olsem dispela kain pasin we sampela wokmeri bilong ESCOW i wokim i ken bagarapim gutpela nem bilong ESCOW. Na long wankain taim i ken bagarapim wok bilong ESCOW.

Narapela bikpela samting i olsem dispela kain pasin i ken givim tingting nogut i go long

ol manmeri long ol rurel eria husat i save sapotim wok bilong ESCOW. Na tu ol manmeri husat i save kisim helpim i kam long ESCOW. Em nau ol bai i no inap bilip long wok bilong ESCOW.

Mi no kros o jeles long dispela pasin nogut sampela wokmeri bilong ESCOW i wok long wokim. Nogat. Mi autim wari bilong mi bikos mi no laikim ol manmeri i tok olsem wok bilong ESCOW em i no wanpela trupela wok.

Bikos ol wokmeri i save paul raun nabaut. I tru olsem dispela em i laik bilong wan wan. Tasol em i moa gutpela long yupela i mas hait na wokim dispela paul pasin. Na nogat wanpela man o meri i

mas save. Sapos ol manmeri i save ol bai daunim tru wok bilong ESCOW.

Mi mas tok klia stret olsem i no olgeta wokmeri bilong ESCOW i save paul raun na mekim pasin nogut. Nogat. Liklik lain tasol i save mekim dispela samting. Na bagarapim na daunim gutpela nem bilong ol arapela meri husat i wok long ESCOW.

Long pinisim toktok bilong mi, mi laik askim dispela ol meri husat i save mekim dispela samting long stop. Bikos kain pasin olsem i ken rausim sapot na bilip ol manmeri i gat long wok bilong ESCOW.

ESCOW Sapota WEWAK

No ken sasim man nating

Dia Edita,

Mi lukim wanpela samting i no stret tumas wantaim sampela meri bilong yumi long kantri. Olsem na mi laik autim wari bilong mi long *Wantok Niuspepa* long pablik long lukim na glasim.

Long nau, planti meri i save giamanim ol man long kisim mani. Dispela samting i kamap bikpela bihain long gavman i kamapim lo bilong tambuim pasin bilong bagarapim meri.

Sampela taim tupela man na meri wantaim i gat laik long wanpela narapela na ol i bung. Bihain meri i kirap gen na tok man i pusim em na mekim pasin nogut long em. Na kisim dispela samting i go long kot. Tu ol wanlain

bilong meri i singaut long K100-K200 kina kompensesen mani long man long baim.

Mi no haitim ol narapela taim we tru tru reip kes i save kamap. Em narapela samting yet. Tasol long samting we mi toktok long en, em i no gutpela tumas.

Bikos yutupela man na meri wantaim i gat laik na pasim toktok long bung wantaim.

No ken sikirap long kisim mani na kotim man nating long reip sas.

Saspar Basefan, MADANG.

Meri Sepik i gat namba.

Dia Edita,

Mi laik bekim pas bilong brata ya Alison Jeffrey i bin kamap long *Wantok Niuspepa* long Jun 24.

Brata, yu tok olsem ol meri Sepik i seksek long ol manki Moem Bareks.

Mi no save yu bilong wanem hap stret. Tasol mi laik tokim yu olsem ol meri Sepik i dring doti wara na het bilong ol i strong ya.

Ol i no olsem ol meri long ples bilong yu husat i save kirap hariap na salim ol yet.

Olsem na brata, lukaut long ol. Sapos yu hambak na ol i kukim yu, bai yu lusim asples bilong yu na krai bihainim ol ya.

Willie Gau, Woxs-Madang.

Em we bilong ol Tobaras

Dia Edita,

Mi wanpela manki long Sauten Hailans provins. Mi laik bekim pas bilong Kundil Sap i bin kamap long *Wantok Niuspepa* long Oktoba 28.

Brata ya i no amamas long lukim ol man Tolai i pasim laplap na raun long taun. Bikos i no luk gutpela. Yu tok laplap em i klos bilong ol meri long putim. Na em i no bilong ol man long putim na raun. Trausis na siot em i klos bilong ol man long putim na raun.

Brata, mi tokim yu olsem pasim laplap na raun em i stail bilong ol Tobaras yet. Ating yu mas jeles long ol Tobarasna raitim kain pas olsem. Long planti

ol narapela provins long kantri ol man Tolai i save pasim laplap na raun. Na nogat man i komplon long ol. Mi ting olsem mobeta yu pasim maus bilong yu na opim tupela ai bilong yu tasol na lukluk stap.

PNG i wanpela demokretik kantri. Na nogat tambu i stap long pasim wan wan man long wanem klos em laik putim. Mi tokim yu stret olsem sampela man bilong Hailans husat i stap long ol narapela provins i stat pinis long pasim laplap tu. Wanem samting tru i no stret na yu komplon?

Narapela samting tu we yu mas tingim em Mendi i no stap long

ples bilong ol waitman we ol i putim trausis na siot long olgeta taim na go raun.

Wanem, manki Tolai i kukim yu gut stret taim em i pasim laplap na siot? Plis tingting gut pastaim na raitim pas.

Kay Paro, MOSBI.

Ol meri Tolai pulap long Kimbe maket

Dia Edita,

Mi kam long hap bilong Sol Namane long Simbu. Tasol nau mi stap long Kimbe taun long Wes nu Briten provins. Mi stap 13-pela yia pinis long Kimbe.

I gat wanpela samting mi lukim long Kimbe maket we mi no amamas long en. Dispela em long lukim ol meri Tolai i kisim ol buai, manko na ol arapela samting moa bilong Rabaul i kam na salim long ol maket long Kimbe.



Tingim laip bilong ol pasindia

Dia Edita,

Mi laik autim wari bilong mi long *Wantok Niuspepa* na pablik i ken lukim na givim tingting bilong ol. Orait, komplon bilong mi i sut i go long ol PMV draiva long Sauten Hailans provins.

Mi wanpela manki long Sauten Hailans provins yet. Na mi stap long Mendi. Mi save lukim olsem sampela PMV bas draiva long provins i save apim botol bia long taim ol i

ranim ka i gat ol pasindia i stap.

Dispela samting i no stret liklik. Long wanem yu draiva i mas tingim laip na stap bilong ol pasindia long ka bilong yu. Kain bik het pasin tasol olsem i save kamapim planti bagarap, hevi na dai long ol man.

Yupela ol PMV draiva i mas tingting gut. Yupela bai givim hevi long papa bilong ka ya. Na tingim, sapos yu kamapim indai long sampela pasindia

bilong yu, yu mas redi long baim kompensesen mani i go long ol papamama na wangepisin bilong man husat i dai.

Mi laik tok olsem i no olgeta PMV draiva i dringim bia long taim bilong wok. Nogat. Sampela draiva em ol gutpela man. Na mi no sutim tok i go long ol dispela lain. Tasol long ol narapela em ol bik het lain.
Ila Yakumbu, MENDI.

Mi no amamas long lukim yupela ol meri Tolai i bagarapim ol meri asples long Kimbe.

Mi tokim yupela ol meri Tolai plis traime na sindaun long ples bilong yupela na maketim ol samting long ples bilong yupela stret.

Mipela ol manmeri bilong Kimbe i les pinis long lukim pes bilong ol meri Tolai long Kimbe maket.

Yu husat brata i laik sapotim o egensim mi, rait i kam tasol long *Wantok Niuspepa*.

Taitus Kaguma, KIMBE.

Hel i stap tru o nogat

Dia Edita,

Plantitaim mi save harim ol Kristen i toktok long hel o bikpaia na mi save wari.

Long taim bilong yumi ol wokman bilong lotu i lainim yumi long dispela tok "hel paia o bikpaia." Ating tok pisin i tanim krangki dispela hap tok "hel-paia".

Mi save olsem bipo Baibel i nogat dispela hap tok "bikpaia." Mi save go long Baibel stadi skul na mi save long Baibel bilong mi.

Orait mi laik askim olsem sapos mi dai na han na lek bilong mi i no moa wok, em bai mi wetim yet taim bilong kirap bek?

Olsem na long tok pisin, dispela tok bikpaia ol i tanim krangki long dispela tok Hibu "Sheol" na long tok Grik "Hades."

Mi ting hel em i makim wanpela samting. Yesa. I moa gutpela sapos yumi skelim ol dispela Baibel ves: Aposel 2: 31, Sam 16: 10, Jona 2: 2 na bai yumi kisim save long dispela tok. Lainim Baibel gut bikos em i gat planti tok piksa.

John Thomas, LAE.

BRA no ami tru

Dia Edita,

Mi wanpela manki Hagen na mi laik autim liklik wari bilong mi long *Wantok Niuspepa*.

Mi no harim olsem long ol narapela kantri ol wan wan grup i gat ami bilong ol yet. Mi autim dispela tingting bilong mi bikos long Not Solomons provins ol i gat Bogenvil Revoluseneri Ami. Tasol dispela lain ya i no ol ami tru.

Orait, mi no ting em i orait long gavman na yumi tu long kolim ol lain long BRA. Mobeta yumi kolim ol long raskol lain tasol. Taim yumi kolim ol BRA, em i min olsem yumi givim luksave long ol.

Saimon Pik Maun Hagen

Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. box 1982, Boroko, NCD.

LAIKIM PENPREN

Nem: Wilson Tiriyu

Krismas: 19

Adres: PO Box 391, Lae, Morobe Province
Save laikim: Pilai ragbi, ritim-buk na skul.

Nem: Ambrose Amb Wek

Krismas: 20

Adres: Hawaii Vocational Centre, PO Box 256, Wewak ESP.
Save laikim: Pilai spot, raitim pas na mekim sios wok.

Nem: Davis Wlombole

Krismas: 20

Adres: PO Box 425, Wewak, ESP
Save laikim: Harim lotu singsing, ritim Baibel, pilai volibal na basketbal na raitim pas.

Nem: Leva Jay

Krismas: 20

Adres: PO Box 425, Wewak, ESP
Save laikim: Harim lotu singsing, lukim TV, pilai volibal na basket na riatim pas.

Nem: Kumbi David

Krismas: 16

Adres: PO Box 26, Lae, Morobe Province
Save laikim: Ritim buk, pilai gita, harim redio na mekim pren wantaim ol arapela manmeri.

Lae maket nogat wilbaro

Dia Edita,
Mi wanpela man Goroka tasol nau mi stap long Lae. Mi laik komplem long ol lain bilong Lae Siti Atoriti husat i lukautim Lae maket.

Yupela i save sori tu long ol man husat i kam long longwe ples long salim ol samting bilong ol. Mi tok olsem bikos planti manmeri bilong Goroka i save kam long Lae bilong salim ol kaikai bilong ol long Lae maket.

Orait, taim ol i kalap long PMV na kam long Lae, ol peim K2. Na taim ol laik salim sam-

ing long Lae maket, ol baim K2 gen. Ol man Goroka em ol gutpela lain ya. Traim na toktok isi long ol. Ol save olsem bai ol baim geit na go insait. No ken bikmaus na mekim nabaut tumas long ol. Bikos ol i no ol long long lain.

Yupela tu long Lae maket i nogat wilbaro long helpim ol man i karim ol hevi samting i go insait long maket. Turangu ol man i hatwok long karim ol hevi samting long solda bilong ol. Ating i gut-

pela sapos Lae Siti Atoriti i baim sampela wilbaro bilong helpim ol man long kisim ol samting i go insait long maket. Yupela save kisim bikpela mani long geit. Yusim gut mani long givim gutpela sevis i go long ol pipel.

Lae Siti Atoriti i save katim K2 long ol man i kam long Goroka long salim kaukau samting bilong ol. Na ol manmeri stret long Morobe i baim 50 toea tasol long geit fi.

Sape Leke GOROKA

Rausim bil bilong Intenel Sekyuriti Ekt

Dia Edita,

Mi sapotim pas bilong tupela brata ya, lan Kelly na James Ongadu we i kamapim long **Wantok Niuspepa** long Oktoba 28.

Yes, tupela brata i egensim Intenel Sekyuriti Bil na ID kat sistem we gavman bilong Paia Wingti na Sir Julius Chan i laik

kamapim olsem lo long dispela kantri.

Mi wanbel tru wantaim pas bilong tupela brata. PNG em i wanpela demokretik kantri na watpo tru Wingti gavman i paulim tingting bilong manmeri bilong PNG. Na givim ol kain kain risen bilong kamapim lo bilong ol Intenel Sekyuriti na ID kat.

Mi laik askim ol pipel bilong PNG long no ken pasim maus i stap. Tasol i mas autim tingting bilong yupela long dispela bikpela samting we i kamapim wokabout, stap na sindaun bilong yumi long dispela kantri bipo gavman i kamapim wanpela lo. Yumi mas strong long rausim dispela bil o lo we gav-

man i laik putim long pasim laik bilong yumi long raun long wanem hap bilong kantri, stap na toktok long laik bilong yumi. PNG em i no wanpela kominis kantri. Yumi mas pait hat long lukautim fridom bilong yimi long kantri.

Samson Kissa, Bomana CIS, MOSBI.

Nesenel memba bilong Nuku stap we?

Dia Edita

Mi bilong Nuku long hap bilong Wes Sepik provins. Tasol long nau yet, mi stap long Biella long Wes Nu Briten provins. Mi laik autim bel hevi bilong mi i go long nesanel memba bilong Nuku-Christopher Sambre.

Mista Sambre i bin winim planti nesanel ileksen na stap olsem nesanel memba bilong Nuku long nesanel Palamen.

Insait long ol yia i go pinis, taim em i stap olsem nesanel memba bilong Nuku, em i no bin mekim wanpela gutpela samting. Em i no kirapim wanpela gutpela wok developmen long Nuku long helpim ol pipel bilong em. Nogat tru stret. Samting olsem 16 o 17 yia i go pinis. Na Nuku

stesis i no senis liklik. Nuku stesis i stap wankain yet.

Ating mi ken tok stret olsem ol haus i stap long Nuku stesis i bilong taim Papua Niugini i stap aninit long lukaut bilong Australia. Narapela bikpela hevi i olsem ol rot insait long Nuku stesis i bagarap olgeta.

Mista Sambre i mas sem long em yet. Bikos em i stap olsem nesanel memba bilong Nuku longpela taim tru. Na em i no bin tingting long kamapim sampela senis long eria bilong em. Mekim na ol pipel bilong em i wok long painim hatpela taim tru long kisim gutpela sindaun.

Bikos long dispela as, mi laik askim ol pipel bilong Nuku distrik long opim ai bilong

ol na luksave long kain hevi olsem. Na traिम makim wanpela nupela man long nesanel ileksen long 1997.

Fred Afla BIALLA



No ken komplem long "laik" bilong ol arapela

Dia Edita

Mi laik bekim pas bilong Kundil Sap. Pas bilong em i bin kamapim long **Wantok Niuspepa** long Oktoba 25 long dispela yia yet.

Brata ya i bin raitim tupela pas na tok olsem: (1) Ol Momase pipel tu save askim long buai na smok na (2) No ken pasim laplap na raun long taun.

Mi laik tokim brata ya olsem pasin bilong askim i stap long olgeta manmeri bilong dispela kantri. Mipela olgeta i save askim ol wantok, wanpisin na tu ol arapela brata na susa long kain kain samting. Stat long gutpela i go inap long nogut. Sapos yu laikim wanpela samting, em

Warbat na Tadoi bagarapim tokples Madang

Dia Edita

Mi wanpela manki Madang. Tasol long nau yet, mi stap long Lae. Mi laik autim liklik wari bilong mi long **Wantok Niuspepa**.

Wari bilong mi i olsem mi no amamas long tupela musikman

bilong Rabaul i bin singim wanpela singsing bilong Madang. Dispela singsing i stap long tokples Madang. Nem bilong dispela tupela musikman ya em John Warbat na Fabian Tadoi. Dispela singsing i stap long

wanpela kaset tupela i bin katim long Pasifik Gol studio long Rabaul. Nem bilong dispela singsing tupela i singim long tokples Madang em "Fule Gawae."

Dispela singsing em i bilong wanpela asples musikman bilong Madang. Nem bilong em Alfred Sibut. Mista Sibut yet i bin komposim dispela singsing long tokples Madang. Em i komposim bikos em i save long asples tokples Madang. Na tu em i save long mining bilong dispela singsing.

As na mi autim wari bilong mi em bikos John Warbat wantaim Fabian Tadoi tupela i singim dispela singsing na i no kolim gut tokples Madang. Olsem na mi yet mi no amamas long tupela i kolim

krangi tokples Madang.

Yumi olgeta i mas save olsem tokples em kalsa bilong wan wanples na provins insait long kantri bilong yumi. Olsem wanpela man long arapela provins i no ken stilim tokples bilong wanpela ples long arapela provins o ples.

Bikos long dispela as, mi laik tok olsem ol musikman i no ken bagarapim tokples bilong wanpela arapela ples o provins. Sapos ol i laik singim singsing long tokples bilong arapela provins orait ol i mas singim stret. Ol i no ken kolim krangi dispela tokples bilong ol i singim singsing long en.

Veve Am

I no olgeta meri save laikim ol soldia

Dia Edita

Mi laik bekim pas bilong Ipini Abi. Pas bilong em i bin kamapim long **Wantok Niuspepa** long Septemba 32 long dispela yia yet.

Long pas bilong em, susa ya Ipini i bin tok olsem ol meri i stap na ol soldia i stap. Na tu em i bin tok olsem ol soldia i save dai nating long ol meri.

Gutpela susa bilong mi, mi laik tokim yu stret olsem long Popodentta, mipela i nogat wanpela ami kem o bareks. Olsem na mipela ol meri Popodentta i no save long wanem samting yu bin toktok long pas bilong yu. Na tu mipela i no save wanem samting tru i mekim yu na yu mekim dispela hap tok long pas bilong yu. I moa gutpela long yu

mas toktok stret long poin. Na maski long mekim sampela gianman toktok long tingting na laik bilong yu.

I luk olsem yu yet i mas dai nating long ol soldia boi ya. Tasol nogat wanpela soldia boi i save laikim yu. Olsem na yu belhat na mekim dispela kain ol toktok long pas bilong yu. Yu mas save gut olsem i no olgeta meri insait long Papua Niugini i save dai nating long ol soldia boi. Mipela sampe a i save les tru long maritim ol soldia ya.

Kain ol mauswara toktok i save bagarapim olgeta gutpela meri insait long kantri. Mi askim yu long tingting gait na mekim kain ol toktok olsem.

Junior Souths POPODENTTA

Ol tisa bilong HVS no yusim het

Dia Edita

Mi wanpela yangpela meri husat i skul long vokesenel senta bilong ol yangpela meri long Hoskins long Wes Nu Briten provins.

Mi laik autim bel hevi bilong mi long wanem samting ol tisa bilong mipela i save wokim long mipela ol yangpela meri sumatin bilong Hoskins vokesenel senta.

Bel hevi bilong mi i olsem ol tisa bilong mipela i save makim mipela long wok long haus kaikai long Hoskins ples balus. Tasol bhain ol i save toktok nabaut gen long mipela i wok long haus kaikai.

Dispela kain pasin ol tisa bilong mipela i mekim i no gutpela tumas. I luk olsem ol tisa bilong ol arapela skul i winim tru ol tisa bilong mipela. Ol tisa bilong mipela i no olsem ol tisa. Ol i

olsem ol meri. Olsem na ol i save toktok nabaut long mipela ol yangpela sumatin meri. Sapos ol i ol tisa bilong mipela, ol bai i no inap long mekim kain pasin olsem.

Mi ken tokaut stret olsem long nau yet, mipela ol yangpela sumatin meri i no save amamas long dispela kain pasin ol tisa bilong mipela i wokim. Olsem na mipela i askim ol tisa bilong mipela long senisim dispela pasin nogut bilong ol. Bikos kain pasin nogut olsem bai i no inap tru long kamapim wanpela gutpela samting long mipela ol sumatin. Mipela ol sumatin i laikim olsem i mas i gat gutpela pasin bilong wanbel na wokbung i stap namel long mipela na ol tisa bilong mipela.

Petrolina Mulai KIMBE

Lower



GLOBE CORNED BEEF & ONIONS 425G
WERE K1.53

K1.45

WHY PAY MORE?



NRB 1.25 LTRS ASSORTED.
WERE K2.24

K1.95

WHY PAY MORE?



PARADISE NAMBAWAN BISCUIT 100G. WERE 26t **.20t**

PARADISE CHICKEN CRACKER 100G WERE 34t

.25t

PARADISE SCOTCHFINGER 200G

WERE K1.14 **.99t**

GUARANTEED QUALITY!




COLGATE TOOTH PASTE
110G. WERE K1.99

K1.50




UNCLE TOBYS OATS
750 GM.

K2.59



J&J STAYFREE
REGULAR 10'S
WERE K1.74

K1.65



GILLETTE SHAVE FOAM
TUBEARD. L/LIME. MENTH 175G
WERE K2.82

K2.30

WERE 97t

GILLETTE BLUE
BLADES 5'S

.75t



ARNOTTS
SCOTCH FINGER
250GM.

K1.05



TANG ORANGE
JUICE 150Z

K2.80



SUNCRUSH CORDIALS
ASSORTED FLAVOURS
750MLS.

WERE K1.44 **K1.20**




TRUKAI RICE 5KG
WERE K3.64

K3.50




FLAME FLOUR (SR) 2KG
WERE K1.28

K1.25




GOLDEN CRUSH CORDIALS
2 LTRS. ASS'D FLAVOURS.

WERE K3.54 **K3.25**



NIUGINI BLEND COFFEE 50G
WERE K1.50

K1.35



AMMENS POWDER 75G
WERE K2.60

K2.40

SPECIALS AVAILABLE MONDAY 8th NOVEMBER UNTIL SATURDAY 20th NOVEMBER 1993!!!

Prices



LAMB F/QTR CHOPS
T/P KILO. WERE K3.49

K2.99

**GUARANTEED
QUALITY!**



ILIMO CHICKEN
SIZE 10 WERE K3.78

K3.39

**WHY PAY
MORE?**



NTB CHICKEN THIGHS
500G WERE K2.26

K1.83

**SUPER
VALUE!**

FRESH and TENDER MEAT



FRESH RUMP
STEAK T/P
WERE K8.08

K6.99


From The CHILLER



SAPHIRE BACON
MID RASHER 250G.
WERE K3.93

K3.49

FRESH FRUIT and VEGE.



AUSTRALIAN
ORANGES KILO.
WERE K2.35


K2.09



STREETS ALL
FLAVOUR
PADDLE POPS M/P

K3.95

WERE K5.17




KRAFT DELUXE
SLICES 250G

K1.99

WERE K2.30

**FRESH
FOOD
COSTS
LESS...**

Poto ripot i kam long Buka



• Ol bikman i sindaun kaikai long amamasim namba wan taim ol pikinini bilong ol i kisim komonio.



*Susa isi ya..*Dispela tupela meri ya i lus tingting long olgeta samting na mekim save stret long danis:




• Minista John Jaminen i ai gris long saampela kaikai bilong ol Buka. Dispela em long taim bilong opim opis bilong redio Not Solomon.



• Dispela bikman i mekim save stret long samsam long taim ol opim opis bilong redio Not Solomon.



• Dispela ol lain i laik go insait long opis bilong redio Not Solomon. Ol i painim hat bikos ples i pas olgeta.



• Kaikai i pinis na susa ya i laik karim dis i go long haus.



• Dispela susa ya i wok long givim bret i go long ol pipel long taim bilong bikpela kaikai bihain long ol manki i kisim komonio.



• Dispela ol lain i redim kaikai pastaim long olgeta lain i sindaun na kaikai.



□ Ol yangpela bilong Talop allan husat i bin go pas long singsing long taim bilong ol pikinini i kisim namba wan komonio bilong ol.



• Wanpela plis man long Buka i sanap was long taim ol bikman i go long Buka long opim opis bilong redio Not Solomon.



• Kas bilong ol susa long ples Hangan. Ol i soim sampela stall bilong ol long danis.



• Redio anaunsa, Aloysius Laukai i soim ol pipel husat i go lukluk raun long stidio.



• Stesin menesa bilong Redio Not Solomon. Demos Kumanria i givim toktok bilong em long taim bilong opim nupela opis long Buka.



• Dispela ol sumatin bilong Hutjina halskut i redi long singim nesene entem.



• Dispela ol meri bilong ples Hangan i mekim save stret long danis long amamasim ol bikman.

Stapim pasin bilong paitim man

DISPELA wik mi laik toktok long wanpela samting we mi bilip planti manmeri insait long Kristen na demokratik kantri bilong yumipapua Niugini i no save amamas tumas long en. Dispela samting mi laik toktok long en i bin kamap long "Talk Back" program bilong Redio Kalang long las wik.

Samting mi laik toktok long en em pasin sampela plisman i save mekim long paitim nating ol manmeri na pikinini.


Planti manmeri i save komplem na tok ol plisman i paitim ol nating. Ol i save tok ol i no mekim wanpela rong o brukim wanpela lo. Tasol ol plisman i paitim ol nating. Mi ken tok stret olsem planti manmeri tru i kisim na pilim pinis han, lek, so na as bilong sotgan bilong ol plisman.

Tude, sapos yu raun long kantri, bai yu harim ol manmeri i toktok long dispela pasin. Maski yu wanpela man o meri nogut, sapos ol plisman i laik paitim yu, ol bai go het na paitim yu. Na dispela em i wanpela bikpela hevi we long nau yet, i stap namel long ol plisman na ol manmeri long wan wan komyuniti.

Watpo na ol plisman i save paitim ol manmeri na pikinini? Dispela em i wanpela askim we mi yet mi pilim olsem mi no inap long bekim. Bikos mi no wanpela plisman. Olsem na ansa bilong mi long dispela askim bai i narakain liklik long ansa bilong wanpela

**NABAUT
LONG PNG**

Wantaim



GODFRIED NIAKA

plisman.

Taim ol plisman i bugnim wanpela man o meri i mekim wanpela rong, namba wan samting o tingting i save kamap long ol em long paitim dispela man o meri. Tingting bilong paitim man i save stap paslain long ol arapela tingting.

Em i taim nau ol plisman bilong Papua Niugini i mas luksave olsem pasin bilong paitim ol manmeri bai i no inap tru long daunim hevi bilong lo na oda. Dispela pasin bai i no inap tru long kamapim gutpela wokbung namel long plis fos na manmeri long pablik. Dispela pasin bai i no inap kamapim gutpela nem long plis fos. Na tu bai i no inap mekim ol manmeri i gat bilip long wok bilong plis fos.

Mi bin stat long harim ol manmeri ilong dispeal pasin long taim mi wokim gret 2 long yia 1977, tupela yia bihain long Papua Niugini i kisim independenet. Tasol long dispela taim, ol plisman i no save paitim tumas ol manmeri olsem tude. Ol plisman long bipo wanpela kandre bilong mi i tokim

mi i save paitim ol man husat i no save harim tok bilong ol. Dispela em ol spakman na ol arapela man husat i brukim lo.

Tasol long tude, bihain long 18 yia long Papua Niugini i kisim independens, pasin bilong paitim ol manmeri i go bagarap olgeta. Tude, sapos wanpela man i spak na wokabaut long rot long biknait na ol plisman i bungim em, ol bai mekimsave long em. Bodi bilong em bai kisim bikpela bagarap long su, han, lek na as bilong sotgan. Bihain ol bai putim em long ka na kisim em i go putim long sel. Tingim, man ya i no mekim wanpela rong. Em i spak tasol na i laik wokabaut i go long haus bilong em.

Ol plisman i mas save olsem pablik sapot em i wanpela bikpela samting long karim aut wok bilong ol. Ol i nidim sapot na helpim i kam long pablik long mekim wok. Na traim long daunim hevi bilong lo na oda we i wok long kamap bikpela olgeta yia insait long kantri. Sapos pasin bilong ol long paitim ol manmeri i stap yet, dis-

pela bai wokim ol manmeri long pablik i pret long ol. Na ol manmeri long pablik bai i no inap amamas long wokbung wantaim ol plisman. Bikos ol i luksave olsem ol plisman i no mekim wok long lukautim lo na oda. Ol i mekim wok long paitim ol manmeri.

Mi mas tok klia stret olsem i no olgeta plisman i save paitim ol manmeri. Sampela plisman i save mekim wok bilong ol long stretpela na gutpela rot. Planti manmeri i tok olsem ol plisman husat i save paitim ol manmeri em ol yangpela lain husat i pinisim trening nau tasol. Ol i paitim ol manmeri bikos ol i no save o klia gut long wok bilong ol.

Ol plisman husat i save paitim ol manmeri i mas save olsem kain pasin bai daunim na bagarapim nem bilong plis fos. I no bikos long olgeta plisman long plis fos. Nogat. Bikos long liklik lain tasol na nem bilong Plis Fos i bagarap.

Planti taim, sapos ol manmeri long pablik i komplem, ol bikman bilong Plis Fos i save tok olsem i no olgeta plisman i save paitim ol manmeri. Sampela plisman tasol i save mekim dispela samting. Sampela taim ol i save tok olsem ol plisman i mekim wok bilong ol. Na long ol arapela taim, ol bikman bilong plis fos i save tok olsem ol i nogat toktok long mekim long dispela pasin inap ol i kisim ful ripot.

Sapos ol bikman bilong plis fos i

mekim dispela kain toktok, ol manmeri long pablik bai paitim toktok wantaim husat long stretim kain ol hevi olsem. Na tu long wanem rot ol bikman bilong plis fos bai stretim hevi i wok long kamap namel long plis fos na ol manmeri long pablik.

Sapos ol bikman bilong plis fos i gat tingting na laik long kamapim gutpela nem long plis fos, ora it ol i mas kisim ol komplem bilong ol manmeri wantaim amamas. Na bel isi na tingting long stretim dispela hevi. Bikos ol manmeri long pablik i no komplem nating. Hevi i kamap na ol i putim komplem bilong ol. Ol i laikim ol plisman i mekim wok bilong ol long stretpela rot long lukautim lo na oda. Na i no long kamapim kain kain pasin nogut na helpim hevi bilong lo na oda i go kamap bikpela moa.

Em i taim nau ol bikman bilong plis fos i mas luksave long dispela bikpela hevi o komplem bilong ol manmeri. Na traim putim kamap sampela kain program long skulim ol plisman long wanem rot ol i mas bihainim long kamapim gutpela wokbung namel long ol yet na ol manmeri long pablik. Sapos ol bikman bilong plis fos i no mekim wanpela samting, dispela hevi bai i go kamap moa bikpela. Na ol manmeri bai i egensim ol plisman. Dispela bai kamapim wanpela bikpela hevi tru namel long plis fos na ol manmeri.



Lukaut, tupela wantok ya i laik plai nau....Dispela tupela man ya i bilong ples Mambe long hap bilong Turubu inlen. Tupela i bilas olsem tupela pisin na wok long samsam i stap. Mekim na ol manmeri i ting olsem tupela i laik plai olsem pisin. Nogat. Em stori bilong tumbuna singsing bilong tupela. Olsem na tupela i soim tasol long bilas bilong singsing.



• Dispela em wanpela narapela singsing grup husat i bin kamap bung long las wik Sarere na singsing long amamasim Jubili bilong Bisop Leo Arkfeld.

Paia bilong Jubili bilong Bishop bilong Is Sepik Leo Arkfeld.



Mama yu kamap....Mama ya i bilas gut tru na wok long mekimsave long hatim singsing long las wik Sarere. Mama ya i bilong Boikin long wes kos long Wewak.

Wara sot na Ningerum haus kalabus i pas

IAN KAKARERE i raitim

NINGERUM haus kalabus long Westen provins i pas pinis bikos i no gat wara. Planti mun nau no gat ren i pundaun na

bikpela san i kukim ples yet i stap. Dispela hevi i stap long planti hap bilong kantri nau. Bos bilong olgeta haus kalabus long

kantri Sam Nuakona i bin givim oda bilong pasim haus kalabus long Mande Oktoba 25.

Komanda bilong Ningerum haus kalabus Inspekta Ranson

Tik, i tok 20 kalabus man wantaim narapela 10pela trabel man ol i lukautim ol long haus kalabus bin stap taim oda bilong pasim haus kalabus bin kamap.

Ol kalabus i no sot long wara na kaikai.

Bikos Flai riva i go daun stret na ol sip we i save karim ol kago samting i no inap go sua long Kiunga. Orait, long Kiunga, ol trak i save kisim ol kago i go long ol ples insait long bus olsem Ningerum.

Ol bai salim ol kalabus i go long ol narapela senta long kantri. Ol i larim 7- pela long ol kalabus man i go fri long wanem taim bilong ol long kalabus bai i pinis long tupela mun bihain.

Kalsa program pulim ol provins

SAPE METTA i raitim

PAPUA Niugin na Australia i tok orait pinis long kirapim wanpela kalsa eksens program we bai ol sumatin bilong wanpela kantri i ken go stap liklik taim long narapela kantri long lainim na kisim save long pasin tumbuna bilong ol.

As tingting bilong program ya em i bilong strongim pasin tumbuna bilong PNG bisinging na danis ol pilai drama we i ken grisim ol pipel bilong Australia long kam long PNG.

Program ya bai i stap namel long Kwinsien na PNG. Planti provins long kantri i amamas long dispela program na ol i sainim pinis pepa long kamap memba bilong dispela program.

Isten Hailans provins i kamap memba bilong dispela program taim deputi prima bilong provins Kasen Nahe bin sainim wanpela pepa long kamap memba bilong dispela program.

Sentral provins i bin statim dispela program wantaim Australia na nau ol narapela provins i laik bihainim.

Aninit long tok orait pepa ol i sainim pinis, wan wan provinsal gavman bai i peim ol balus tiket, ples bilong slip, kaikai, trenspot, insurens, na poket alauwens bilong ol sumatin ol i makim long stap long dispela program.

Fopela provins tasol no sainim yet tok orait long stap long program ya.

Haus projek long Bena

SAPE METTA i raitim

PLANTI pipel husat i wok na stap long taun i gat hevi long haus.

Isten Hailans provinsal gavman i laik painim wanpela rot bilong helpim ol wokman na ol arapela pipel long taun husat i gat hevi long haus. I

Long neks yia provinsal gavman bai i kirapim wanpela Hausing Risetimen Skim long Bena DPI stesin 15 kilomita arasait long Goroka taun.

Bai ol i kamapim wanpela taun long en. Na bai ol i bildim samting olsem 1,000 haus bilong ol man long baim na stap long en. Pe bilong ol haus ya bai i no inap bikpela tumas.

Provinsal Minista bilong Egrikalsa Walter Nombe i tokaut olsem dispela proiek bai i kostim provinsal gavman moa long K3 milien.

Mista Nombre bin laik kirapim wankain prosek long 1989 tasol graun we ol bin laik kirapim proiek i bin go long plis dipatmen long mekim wok long en.

Hevi bilong ol bisnis long Sandaun

PAPA bilong Sandaun treding Mista Leo Sorap i no amamas long ol opisa bilong Komes dipatmen i tekova long ol bisnis long Aitape we em yet i go pas long en.

Mista Sorap i tok long 1991, em i bin statim praivet bisnis bilong em. Bipo em i bin wanpela akaunten long W&R Parer.

Long 1991, em i bin kirapim wanpela liklik stua bilong em yet long Aitape. Em i bin wok isis isis long dispela stua bilong em Sandaun Treding. Long

1992, em i lukim olsem dispela stua i liklik tumas na em i painim ples bilong skruim bisnis bilong em. Orait em i lukim wanpela olpela haus we bipo Komes dipatmen i bin yusim long ol bisnis promosen. Dispela haus i stap nating inap 10-pela yia samting.

Mista Sorap i bin go kisim tok orait long Komes dipatmen long stretim dispel haus na kirapim bisnis long en. Long Ogas las yia em i bin kisim ol leba na baim ol saplai na statim wok



Blak Kapul...Tupela ditektiv plisman long Enga- Holmes Vara (Iephan) na John Lavaki (wantaim tamiok) i wok long inspektim wanpela mama na pikinini blakpela kapul sampela man long haiwe i go olsem long Wabag i kisim. Kos bilong mama kapul ya em K8. Foto: Dominic Kakas.



Febro, em sais bilong yu ya...Febronia bilong Hawain long Is Sepik provins i kisim wanpela T-Siot long stol bilong kampani bilong em Word Publishing na i wok long saisim i stap. Long raithan em wanpela wanwok bilong em John Rope. Na long Iephan em pikinini bilong wanpela wanwok bilong tupela. Dispela em long taim bilong PNG Made Trade Fair long las wiken. Foto: Harlyne Joku.



BISNIS LONG PAPUA NIUGINI

EHDC givim winmani

SAPE METTA I raitim

PLANTI pipel bilong Bena eria long Isten Hailans provins bai i kisim win mani long wanpela bikpela kopi kampani long provins. Isten Hailans Developmen Koporesen kampani (EHDC) i tokaut pinis long peim 25 toea winmani i go long ol,

wan wan sea holda bilong kampani.

Insait long tripela yia, EHDC bin mekim gutpela wok kamap. Long dispela samting tasol, ol bai peim winmani i go long ol sea holda.

Siaman bilong kampani Philip Stagg i tokaut olsem Papua Niugini Benking Kopresen i bin helpim kampani ya long kamap gut.

Mista Stagg i singautim nesenel gavman long helpim ol kampani bilong ol asples pipel wantaim mani long go hetim wok. Planti ol dispela i stap insait long kopi bisnis.

Em i askim tu ol nesenel memba bilong Isten Hailans long wok bung wantaim, long helpim ol pipel na kampani long ilektret bilong ol.

Bret bisnis i kamap long Vanimo

OL MASIN, stov na narapela samting i kamap pinis long Vanimo long statim bisnis bilong kukim bret.

Menesa bilong Sandaun Treding, Leo Sorap bai go pas long kirapim dispela bisnis bilong kukim bret.

Wanpela bekeri bisnis i bin helpim Leo long statim dispela bisnis.

Nau yet, Mista Sorap na ol lain kamda i wok strong tru long pinisim haus bipo long mun Janveri. Bekerai bai stat long kukim bret na salim long taim haus i

pinis.

Mista Sorap i gat plen long stretim olpela haus na wokim tu stori haus bai menesa bilong bekeri i slip long en.

Em i tok tu olsem em i gat plen long kirapim wanpela wel depo long

nupela bisnis senta. Dispela bai mekim isi long ol pipel bilong ples long Aitape Wes Kos na ailan long kam insait isi tasol long basis na baim bensin. Nau ples bilong kisim bensin i stap longwe na ol papa bilong ol bot i save hatwok.



Hol bilong masalai o wanem? Nogat ya. Dispela em bikpela sef bilong olupela BMS opis long Wewak. Paia i kukim BMS opis long 1990 na olgeta samting i paia. Tasol dispela bikpela simen sef i stap yet. Dua tru bilong sef i pas na stap. Dispela hol i kamap taim ol difens fos opisa long Moem Bareks i brukim long dainamet long rausim ol samting i stap insait long sef. Dispela em bihain long paia i kukim MBS opis. *Poto: Godfried Niaka.*

*Sepik basket fektori....*Dispela em wanpela bilong tupela haus i stap arere long kompaun bilong ol manmeri long Chambri long Wewak taun. Olgeta de, stat long moning i go inap long apinun, kain kain stall basket i save hangamap insait long dispela tupela haus. Ol basket ya i gat kain kain kala na i save wokim dispela tupela haus i luk narakain stret. Sepik ya, hau bai yu save.



*Kain lap tu ya....*Mis Jacinta Warakal i wok long lap wantaim na soim sampela samting em i bin wok long salim long stol bilong Tred na Industri long taim bilong PNG Made Trade Fair long las wiken. *Poto: Harlyne Joku.*



*Tupela yet ya....*Michael Ayula wantaim meri bilong em i wok long salim ol T-Slot em ol i wokim insait long Papua Niugini yet. Tupela i gat wanpela at skrin prin-ing bisnis long Mosbi. Olsem na long taim bilong PNG Made Trade Fair long las wiken tupela i wok long salim sampela T-Slot. *Poto: Harlyne Joku.*

THINK SAFE BE SAFE

A ROAD SAFETY, INITIATIVE OF THE MOTOR VEHICLES INSURANCE [PNG] TRUST

YU SAVE DRING NA DRIVE?



STRONGPELA TOKSAVE LONG DRING NA DRAIV

Bia emi samting bilong graun, sapos yumi dring em bain i tanim tanim bel na het bilong yupela tasol.

Tasol sapos yumi daunim bia na traim long draiv yumi can bugarapim sindaun bilong yumi yet na ol narapela lain.

Asian Development Bank i bin makim studi i tok olsem. Ol namba bilong ol man i die long accident long rot insait long PNG i **traipela** more long ol narapela kantri.

Ol i tok olsem **17%** bilong ol accidents emi kamap bikos long **BIA**.

26% bilong ol accidents i kamap long Sarare i kamap long **BIA** tu.

Sapos yu dring planti mo, birua bilong yu i planti tu. Wangepela bia inap bugarapim draiving bilong yu.



SAPOS YU DRING PLANTI BIA, YU BAI I GAT THIRTIPELA CHANCE MO LONG PAINIM BAGARAP.

Long dispela Motor Vehicle's Insurance (PNG) Trust i **TOKSAVE**, long yu long ting ting' gut long **DRING NA DRAIV**.

WONEM SAMPTING YU I DRING?

Ol dispela ol lain, usait i ting

olsem, sapos ol dringim bia tasol em i ol bai olrait i rong steret sori tumas.

Emi i no drink emi birua, emi i total namba bilong alcohol dispela drink i gat.

Namba bilong alcohol insait long bia or dring emi olsem:

(Insert alcohol approximations pic)

WHY NA ALCOHOL I BAGARAPIM DRAIVING BILONG YU.

Alcohol ino gutpela long yu. Alcohol i bagarapim na i holim ting ting bilong yu.

Alcohol save mekim het bilong yu i silip nai save giamanim ting ting bilong yu.

Sapos yu dring planti, alcohol bai giamanim ting ting bilong yu mo.

ALCOHOL INO INAP BAIM LAIP BILONG YU NA OL NARAPELA LAIN BEK.

ALCOHOL NA BODI BILONG YU

Alcohol i save wok kwik...

Sapos yu ino kai kai, alcohol i bai wok kwik taim steret insait long 20 minutes.

Sapos yu dringim planti alcohol, alcohol bai i stap insait long blut bilong yu.

Planti sampting i save controlim namba bilong alcohol insait long blut bilong yu.

1. Namba bilong krismas blo yu.
2. Sapos yu man o meri.
3. Hevy bilong yu.
4. Wonem kain dring yu bin dringim, na hamas dring yu bin dringim.

...Alcohol ino inap lusim bodi bilong yu kwik.

Alcohol i save bagaraim draiving bilong yu, maski sapos yu dring liklik, alcohol bai bagarapim yu yet.

Taim yu dring, yu bai ino inap daunim level bilong alcohol insait long blut bilong yu.

Ol marasin, exercise na kofi bai ino inap rausim alcohol long blut bilong yu. Yu ken rausim alcohol sapos yu wait longpela taim behan long yu dring.

Sapos yu wait, yu bai i rausim half bottle bia insait long wangepela hour.

Dispela toksave i tok olsem, sapos yu dring planti long nite alcohol bai i stap yet insait long yu long morning igo inap long belo

WONEM SAMTING YU KEN KAMAPIM SAPOS YU DRING NA DRAIV?

*Yu ken lusim **LICENCE** bilong yu. Yu ken baim **TRAIPELA FINE ORGOLONG KALABUS** INSAIT WANPELAKRISMAS.

*Yu ken killim ol manmeri, yu ken go insait long **KALABUS** INSAIT **FIVEPELA KRISMAS** na **BAIM FINE** IGO IGO.

*Yu ken **LUSIM WOK, FAMILY NA OL FRIENDS BILONG YU.**

*Yu ken kisim **CRIMINAL RECORD.**

*Yu bai i **BAIM PLANTI MONI STERET.**

YU BAI I SAVE OLSEMYU TASOL I LONG LONG NA I BAGARAPIM LAIP BILONG YU NA OL NARAPELA MANMERI

Inap yu i painim ol words i hait insait long puzzle?

- ALCOHOL
- BAMIM
- BIA
- BAGARAP
- DRAIV
- DRING
- KALABUS
- KILLIM
- SPID
- TING TING
- PIKININI
- SAVE

P I K I N I N I
M I L L I K B G
D I A V E A N S
I T M V G I R U
P B A A T G B B
S S R G B L I A
A U N E N N A L
P I D R A I V A
T C D F M C R K
A L C O H O L

Pinim toksave insait long dispela tanim tanim sentence.

ON ENK IRGDN AN AVIRD!

SAPOS YU DRING NA DRAIV YU BAI BAGARAPIM OL LAIP BILONG YU NA OL MANMERI.

TOK BEK



LONG DISPELA WIK BAI MIPELA TOKTOK LONG OL HEVE NA ASUA BAI BUNGIM YU TAIM YU DIRIN NA DRAIV

Pasin bilong subim wilbaro na kisim mani

FELIX RAMRAM i raitim

KRISMAS i klostu nau na olgeta wik i mas i gat wanpela grup i bikmaus na subim wilbaro insait long Vanimo taun long kisim ol sampela fri mani.

Dispela pasin i save kamap tu taim wanpela man o meri i dai. Ol manmeri long Vanimo taun i save givim mani long salim bodi i go bek long asples bilong em.

Wanpela komyuniti lida i tok olsem dispela pasin i wok long daunim gutpela nem bilong Sandaun provins long ai bilong ol pipel long ol arape'la kantri husat i stap long provins.

Hetmasta bilong Sinde komyuniti skul, Jonah Warwein i tok dispela pasin bilong subim wilbaro na askim long kisim fri mani i mas stop nau. Bikos dispela pasin i wok long kamap moa bikpela insait long provins. Em i tok planti pipel long Vanimo taun i toktok tumas long dispela samting.

"Dispela pasin bilong askim ol pipel long givim fri

mani i no gutpela tumas. Bikos mani i no kamap nating. Mani i save kamap long hatwok bilong man. Narapela samting i olsem ol pipel long ol arapela kantri i ken lukim dispela pasin na tok olsem dispela em i pasin bilong ol pipel husat i no gat strong long mekim wok na kisim mani. Olsem na dispela i ken daunim na bagarapim gutpela nem bilong provins," Mista Warwein i tok.

Mista Warwein i tok planti pipel i luksave olsem Vanimo em i wanpela liklik taun insait long Papua Niugini. Na long nau yet, planti manmeri i lukim olsem Vanimo taun i kamap wanpela haus mani bilong givim fri mani.

"Em i tru olsem dispela em i pasin bilong Melanesien long helpim narapela man. Tasol em i no gutpela tumas long lukim samting olsem 10-pela liklik grup i pusim wilbaro insait long taun long wanpela wik. Na askim ol manmeri long givim ol fri mani," Warwein i tok.

Hevi bilong salim bodi bilong wanpela dai man o meri i go long ples bilong em, i wok bilong famili. Dispela em i no hevi bilong olgeta manmeri long taun.

Ol meri skul long samapim klos

MOA LONG 32 meri long Madang husat i bin stap insait long wanpela kos bilong somapim klos.

Wol Visen, Sios Kaunsil na Sosel Diivlopmen opis long Madang i bin kamapim wanpela wik kos bilong helpim ol meri i kisim moa save long pasin bilong somapim klos. Kos ya i bin stat long Mande Novemba 1 na i pinis long Sarere de namba 6.

Orait wanpela Fiji voluntia wokmeri wantaim Yunaitet Nesen. Diivlopmen Progrem, Mary Naivunivuni na narapela meri husat i wok wantaim Is Sepik Kaunsil bilong ol meri i bin go pas long skulim ol meri insait long dispela woksop bilong samapim klos.

Tupela meri ya i amamas tru long ol meri husat i bin sindaun long dispela kos na ol i tok ol dispela meri i ken kamap olsem tisa na helpim ol narapela meri long provins i kisim save long somapim ol klos long famili bilong ol. Maski taim i sot, ol meri ya i laik tru long kisim moa save long pasin bilong somap.

Rut Arek em i wanpela long ol meri husat i bin stap long dispela kos. Em i save ronim wanpela bisnis bilong somapim klos insait long Madang taun. Em i tokim ol meri long go aut long ol ples na helpim ol narapela meri long pasin bilong somapim klos na kukim gutpela kaikai long famili bilong ol.

Ekting Seketeri bilong Sosel Diivlopmen wantaim Dipatmen bilong Madang Ivan Mulul i tokim ol meri olsem dipatmen bilong en i redi tasol long givim helpim i go long ol long go hetim ol wok insait long asosiesen bilong ol meri. Tasol pastaim long en ol i kisim helpim, ol mas resisterim grup bilong ol wantaim provinsel kaunsil bilong ol meri.

Em i tokim ol meri tu olsem gavman na sios i wok hat na lusim mani bilong kamapim ol kain woksop bilong helpim ol. Olsem na ol mas yusim gut save long helpim ol yet, famili na ol narapela meri long komyuniti bilong ol long pasin bilong

Tok save bilong ol Frieda Riva pipel

OL PAPA graun long Frieda main long Telefomin distrik long Wes Sepik provins i tokaut olsem no gat wanpela man bai mekim wok namel long ol na Highlands Gold Limited.

Deputi siaman bilong Frieda Main Lenona Asosiesen (FMLA), Nick Dap i mekim dispela tok long sapatim toktok bilong namba tu primia bilong Wes Sepik Piamnok lakurengin.

Mista Lakurengin i bin tok em i no laikim wanpela kain grup, politikel pati o man long kamap namel man long ol wok bilong Frieda main.

Mista Dap i tok ol eksekutiv bilong FMLA bai i amamas tasol long wokbung wantaim ol politikel o komyuniti lida husat i gutpela na i gat wok long kamapim gutpela developmen na sindaun bilong ol pipel insait long Frieda main eria.

"Bikos bihain long independens, Telefomin distrik i no bin kisim wanpela gutpela developmen olsem ol arapela provins. Mekim na planti manmeri insait

long Frieda main eria i wok long sindaun yet olsem ol tumbuna bilong bipo. Mi makim ol eksekutiv bilong FMLA na askim olgeta provinsal na nesenel memba bilong mipela long wokbung wantaim na lukim olsem wok bilong Frieda main i kamap na ran long stretpela rot. Bikos long dispela rot ol pipel bai kisim helpim na gutpela sindaun," Mista Dap i tok. Dap i tok moa olsem wanpela bikpela hevi i olsem i gat planti bikpela maunten insait long Telefomin distrik. Olsem na em i askim ol pipel long no ken kamapim gen ol arapela hevi antap long dispela bikpela nevi. Bikos dispela i ken stopim ol wok kamap bilong Frieda main.

Mista Dap i mekim dispela ol toktok bihain long sampela lain long Is Sepik na Sauten Hailans provins i bin go insait long Frieda main eria na ba'im gol long ol samting ol rais, tamiok, masis na tin-pis.



Kaikai bilong hatwok... Wanpela gred 10 sumatin bilong Raikos haiskul long Madang provins i kisim wanpela prais em winim long han bilong Deputi Siaman bilong Bod bilong skul Kevin Murray.

Sekap long laisens bilong salim dring

GAVMAN i wok long tingting tasol long kisim winmani long ol lain husat i save salim ol strongpela dring. Tasol i, no gat man i sekap sapos dispela lain i bihainim lo bilong Lika Laisensing Komisen o nogat.

Wanpela bisnisman long ples Waromo, Wes Sepik provins husat i gat laisens long

salim ol strongpela dring, Wegra Kenu i mekim dispela toktok. Mista Kenu i gat laisens long salim strongpela dring.

Mista Kenu i sapatim ol toktok bilong ol mama long provins. Ol mama long Wes Sepik i bin tok olsem dring i save kampaim planti trabel namel long ol yangpela.

Mista Kenu i tok planti lain husat i gat laisens i no save bihainim stret ol treding aua. Ol i save salim dring long laik bilong ol long wanem ol i tingting tasol long kisim mani.

Mista Kenu i tok ol narapela bikpela samting i olsem ol i no luksave olsem ol i brukim lo bilong Lika Laisensing Komisen.

Mista Kenu i askim nau Provinsal Lika Laisensing Komisen long sekap long ol man husat i gat laisens long salim ol strongpela dring.

Em i tok ol plisman tu i mas sekap long ol man husat i save salim bia na tu ol strongpela dring. Bikos planti bilong ol i nogat laisens long mekim dispela samting.

Seravo bai salensim win bilong Giheno

JOHN Giheno i bin winim bai ileksen bilong Henganofi ilektoret long Isten Hailans provins. Tasol man husat i lus long ileksen i no amamas. Man ya em Viviso Seravo.

Mista Seravo i tok planti samting i no bin stret long taim bilong bai ileksen long Henganofi. Na em bai kisim dispela hevi i go long kot.

Mista Seravo i tok em, i kisim wanpela loya pinis long helpim em long lukluk long dispela samting. Bihain long loya i mekim ol wok, ol bai kisim displea hevi go long kot bilong stretim.

Em i tok tu olsem Mista Giheno ino inap long helpim ol pipel bilong em long Henganofi. Bikos Mista Giheno i no stap long sait bilong gavman.



Moa pipel i stap long ol kea senta long Gusap na arapela ples

GURIA long Madang na Morobe provins i kamapim planti dai, hevi na bagarap long ol pipel bilong ol ples long tupela provins.

Nau yet, tupela wik bihain long bikpela guria i bin kamapim ol bagarap na dai bilong moa long 30 pipel ol liklik guria i wok long kamap yet.

Las wol fraide, wanpela liklik seremoni bai kamap long Gusap kea senta bilong tingim dai bilong toapela liklik manki. Ol i bin dai long taim graun i bruk na karamapim Boganda viles long Nahu-Rawa eria insait long Madang provins.

Ol no tokaut long nem bilong ol pikinini husat i dai. Tripela long ol em man husat i gat 6, 9 na 12 pela krismas. Na liklik meri i gat 6-pela krismas.

Pasto Matus Tongoliong bai go pas long sevis long Sande. Em wantaim famili bilong en i laki long stap laip tude. Ol i bin abrusim bagarap bilong bikpela guria long taim graun i bruk na bagarapim planti hap klostu long ples bilong ol.

Long dispela wik, Luteran Sosel Konsen opis long Lae i ripot long ol lain i painim bodi bilong wanpela yangpela meri long Umi

wara klostu long Yanuf kea senta. Meri ya i gat 18 pela krismas na em bin wanpela long ol pipel husat i bin dai long bagarap bilong bikpela guria bilong Oktoba 15. Moa long 30 pipel i bin da long bagarap ya.

Orait long nau, Pasto Tongoliong i helpim ol gavman opisa, NGO na sios grup long lukautim ol pipel insait long Gusap kea senta.

Em i tok olsem long dispela taim ol pipel long kea senta ya i nidim stret kaikai, ples bilong slip na klos. Bikos moa pipel i kam yet long ol kea senta, kaikai na klos i wok long go sot hariap.

Planti lapun man na ol liklik pikinini tu i wok long kus bikpela.

Pasto Tongoliong i tok hevi nau i stap long ol bikpela kus olsem hufing kof na pekpek wara i stap pinis long kea senta. Bikbos bilong Nesenel Disasta na Imesensi Sevis Leith Anderson i salim pinis sampela opisa bilong en long mekim ol wok papainim long dispela samting.

Long Fraide narapela bikpela guria wantaim strongpela bilong en inap long 5.2 bin seksekim gen ol boda eria bilong Morobe na Madang. Ol ples olsem Nahu, Tauta, Barim, Sagasaga, Simbo,

Goilo, Mimingo, Mungo, Gomugo na Serengo i kisim bagarap.

Ol surukim ol pipel bilong ol ples ya i go long Gusap kea senta.

Ol pipel bilong hap sait bilong Madang i stap nau long Ranara kea senta. Ol lukautim moa long 6,000 pipel long dispela kea senta ya.

Ol narapela kea senta em long Wantoat, Yanuf na Biguai. Moa long 1,500 pipel i stap long Wantoat kea senta. Yanuf i lukautim moa long 1,300 pipel na Biguai i gat moa long 500 pipel i stap long en.



□ Kanage i save stap na wok long Mosbi. Wanpela taim em i kisim malolo na em stap long Madang. Em i go stap long Madang na wanpela taim em i go raun long Madang taun. Em i raun i go na bungim wanpela prenmeri bilong em long bipo. Dispela olupela prenmeri bilong em i bilong Wali kantri-Amele. Em nau Kanage i kirap na askim meri ya: "Meri Wali bai i gat sampela kain liklik sans we mi ken toktok liklik wantaim yu?" Meri Wali ya kirap na tokim Kanage olsem: "Sori, bipo long gut taim yes, meri Wali i ken tok yes long askim bilong yu. Nau em bai hat stret ya. Bikos meri Wali i no moa laikim kain ol mauswara man olsem yu." Meri ya toktok strong tru na planti manmeri i harim. Mekim na Kanage i sem pipia stret. Bikos ol manmeri i harim meri Wali ya i mekim kain toktok olsem na ol i lap nogut tru long Kanage. Kanage tingting i go nogat na kirap tokim meri Wali ya olsem: "Em i orait. Olsem samting bilong bipo na mi askim. Nogut olsem tingting bilong bipo i stap yet wantaim yu. Tasol yu mas tingim olsem Bipo, taim Kanage i holim yu, yu save kam pas long skin bilong em olsem wanpela mau popo. Na sapos Kanage i laik rausim han bilong em long skin bilong yu, yu save les na tok: Plis yu holim mi gut ya." Meri Wali harim Kanage i tok olsem na em i daunim het na wokabout i go. Ol manmeri harim Kanage i tokim meri Wali ya olsem na ol i kirap singaut na tok olsem: "Kanage ya, Kanage. Em i gat we na stail bilong kilim indai paia tu ya."
Kandamaik Clansman,
Hawaii, WEWAK.

Hap mambu helpim Tokinavai

BIPO, bipo tru long ples Malaguna long hap bilong Rabaul, Is Nu Briten provins, i gat wanpela man na dok bilong em i stap. Nem bilong dispela man em Tokinavai.

Tokinavai em i wanpela hap man stret long painim abus long bus. Olgeta de taim em i go long bus em i no inap kam bek nating. Em i mas sutim wan o tupela pik.

Wanpela taim em i kirap long bik moning stret na go long bus wantaim dok bilong em. Tupela i go longwe long ples na dok bilong em i stat raunim wanpela pik. Pik tu i strong na wok long stapim dok long kaikaim em.

I no long taim Tokinavai i go klostu na kisim spia na sutim pik i dai. Em i painim hat long karim pik i go long ples. Bikos ples i stap longwe.

Olsem na em i kisim mambu na stat katim pik. Em i katim pinis na wokim wanpela liklik haus na kukim pik. Em wantaim dok bilong em i kaikai sampela na smokim ol arapela mit long paia.

Tokinavai wantaim dok bilong em i pilim



skin les na slip klostu long paia i stap. Dispela taim tupela i no isi long pairapim kapupu. Na kapupu bilong tupela i smel narakain stret.

Tupela i slip i stap na i no save olsem wanpela traipel snek i slip klostu long wanpela raun wara i stap. Snek i stap na smelim kapupu bilong tupela

na ol mit bilong pik Tokinavai wantaim dok bilong em i smokim.

Snek ya kirap na kam ausait long wara na bihainim smel i go antap. Snek i go long

ples tupela bikman ya i stap na lukim tupela i slip i stap. Em nau, snek i lusim tupela na wokabout i go painim kumu gras na kaikai long wokim nek bilong em i wel na em bai painim isi long daunim wanpela bilong tupela.

Isi tasol snek i go antap na daunim Tokinavai na go bek long raun wara. Bikman i no save olsem em i slip insait long bel bilong snek. Em slip na laik tanim no gat, em i pilim ples i kol. Na em pilim olsem em i stap insait long bel bilong snek.

Laki tru na em gat wanpela hap mambu em i putim long paspas long han bilong em. Na em i rausim na stat katim bel bilong snek na em i kam ausait.

Em i lusim snek i stap na go kisim dok bilong em na tupela brukim bus long nait i go kamap long ples. Em i go stori long ol lain bilog ples. Na long moning olgeta i go long ples em i kukim pik na soim ol long dispela traipela snek. Ol lain long ples i kisim snek na kukim na kaikai.

Michael Joe Lames
RABAUL

Tingting bilong mi paul long wokim disisen



Dia Laiplain,

Mi wantaim boipren bilong mi, mitupela i yangpela yet. Pastaim long mi bungim boipren bilong mi, mi bin prenim ol arapela man. Wankain tu long boipren bilong mi. Pastaim long em i bungim mi, em i bin prenim ol arapela meri.

Taim mitupela i bin bungim mitupela yet na wokim pren, mitupela i bin slip wantaim na mekim pasin nogut. Boipren bilong mi i tokim mi olsem em i laikim mi. Na i tokim mi olsem em bai maritim mi sapos mi gat bel. Mi ting olsem long nau yet, mi no inap marit. Na tu papamama bilong mi i laikim mi long maritim wanpela man long provins bilong mipela yet.

Mi laikim tru boipren bilong mi. Olsem na mi les long lusim em. Inap mi go het na maritim em o mi mas wetim taim stret bilong mi long marit?

WORRIED SICK

Dia Pren,

Em i tru olsem yu pret long nogut bai yu kisim bel hariap. Bikos yu gat save olsem dispela bai kamapim hevi long yu long lukautim pikinini. Bikos yu no redi yet long mekim dispela samting. Yu gat hevi long yu yet yu ting olsem yu mas slip wantaim boipren bilong yu long mekim em i amamas na laikim yu. Tasol yu les long kisim bei hariap.

Wanpela askim em i mas stap long tingting bilong yu em: Boipren bilong mi em i olsem wanem - em i gat wanem kain ol tingting? Bikipela samting tru em: Em i laikim yu tru o nogat? Em i tru olsem em i gat laik long slip wantaim yu na mekim pasin nogut. Tasol yu ting em i laikim yu tru? Mipela i save olsem planti yangpela man i save slip wantaim prenmeri bilong ol. Dispela em ol i laik panim aut sapos ol i ken kamapim pikinini.

Sapos prenmeri bilong ol i no kisim bel, ol bai lusim ol na painim nupela. Mipela i wok long tingting sapos boipren bilong yu i wanpela kain man olsem. Em i tok olsem sapos yu gat bel, em bai maritim yu - dispela i soim olsem em i no wari long yu kisim bel.

Wanpela samting mipela i save tokim ol meri husat i save bungim wankain hevi olsem yu em: sapos boipren bilong yu i laikim yu tru tru, em i mas rispektim yu. Na yu bai i no inap kisim bel hariap na tu taim yutupela i na marit yet. Na tu bai i no inap pusim yu long yutupela slip wantaim. Yu laik maritim wanpela man husat i no gat rispekt long yu. Tasol i laik yusim yu long amamasim em yet? Mipela i askim yu long glasim gut pasin bilong boipren bilong yu. Yu ken kamapim hevi long laip bilong yu sapos yu no lukluk na glasim gut samting. Planti sosaiti na sios i no save laikim wanpela man na meri long slip wantaim taim tupela i no marit yet. Bikos tupela i ken kamapim pikinini.

Yu gat tu narapela hevi wantaim papamama bilong yu. Bikos tupela i laikim yu long maritim wanpela man long provins bilong yupela yet. Yu bai mekim wanem samting long dispela? Yu bai maritim wanpela man long laikim bilong yu o bihainim tingting bilong papamama bilong yu? Planti yangpela manmeri i no save bihainim toktok bilong papamama. Bikos pasin bilong laikim ol man na slip wantaim na mekim pasin nogut i pasim tingting bilong ol.

Mipela i gat bilip olsem yu bai tingting na glasim gut prensip bilong yu wantaim boipren bilong yu. Na tingting yu gat long slip wantaim em pastaim long yu marit. Mipela i gat tingting olsem bai yusim dispela samting long skelim samting. Bikos hevi bai kamap bihainim ol disisen em yu yet bai wokim.

Mi Laiplain.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia.



Taim bilong senis.... Dispela 4-pela yangpela man bilong Kapin long hap bilong Morobe i bin kisim namba wan konfemesin bilong ol long Bomana las Sande. Long lep-han em, Senang, Peter, Philip na Timothy. Foto: James Kila.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

Ph: Miri Alori Ext. 203
John Iagata Ext. 217
Vetovo Maguli Ext. 232
Jeffrey Malliou Ext. 216



PORT MORESBY SOCCER ASSOCIATION INC.

P O BOX 3241, BOROKO, PAPUA NEW GUINEA
SECRETARY PHONE: 25 4041

TOKSAVE

POT MOSBI SOKA ASOSIESEN (PMSA) BAI HOLIM
ENUEL JENEREL MITING BILONG EM LONG DISPELA
WIK SARERE-NOVEMBA 14.

DISPELA MITING BAI KAMAP LONG SIR JOHN GUISE
STEDIUM LONG RUM BILONG HOLIM OL BIKPELA
BUNG (FUNCTION ROOM). MITING BAI STAT LONG 2
KLOK LONG APINUN.

LONG 4 KLOK LONG APINUN, BIHAIN LONG DISPELA
MITING, PMSA BAI GIVIM PRAIS I GO LONG OL TIM
HUSAT I WIN. PMSA BAI GIVIM AUT TU OL ARAPELA
PRAIS I GO LONG OL ARAPELA TIM NA MANMERI.

PRESIDEN
POT MOSBI SOKA ASOSIESEN

Eric Niles

bai winim 1 yia tumora (12 Novemba).
Na mipela olgeta i salim betde griting long em:
Rhett, papa na mama na auntie Berna long Gordons; Lolo, Titi na Mims long Nu Silan; na ol bubu na kandere long Mengar



25 2500



SOCIETY OF PROFESSIONAL ENGINEERS

COURSE ON CONTRACT MANAGEMENT CONTRACT CONTROL INTERNATIONAL PTY LTD

15th to 19th November 1993
Port Moresby Travelodge

The five day course will be presented by Contract Control International Pty Ltd. The registration date has passed but there are still some vacancies. The course has a proven track record in Australia and more recently in Papua New Guinea - to PTC. The course is suitable for engineer, works Supervisors, project managers, etc, of any engineering discipline and industry.

The fee is K780 for Society members and K840 for non members. This includes comprehensive course notes. Dinner on the fourth night-luncheon and morning and afternoon teas on each day.

Contract Control International has been accepted by our Internal Revenue Commission as a training company, and the courses are approved business training courses for the purpose of the training levy provisions under the Income Tax Act.

The course has wide applicability to many industries and groups including building and construction, civil and heavy engineering, mining and quarrying, power generation and transmission, electronics and telecommunications, petrochemical commerce, defence, government departments, statutory authorities, corporation, superintendents/engineers, private sector (development), contractors and subcontractors.

The six Consultants who comprise Contract Control International Pty Ltd are all professional engineers covering a wide range of disciplines.

Contact our office (Toksy Tanabi) immediately for further details and registration forms.

Tel: 42 1505 Fax: 42 5335

- Are you a businessman?

PNG

BUSINESS 40t.



DEPARTMENT OF WORKS EASTERN HIGHLANDS PROVINCIAL OFFICE GOROKA



TOKSAVE BILONG ROT BAI PAS - HAILANS HAIWE ISTEN HAILANS PROVINS.

Toksave i go long pablik olsem Konstraksen Tim Dipatmen bilong Woks bai karim aut ol bikpela wok long stetim ol rot long:

A) Kona long Daulo Pass (CH 330.90- Klostu long Watabung Stesin) stat long Novemba 4 i go inap long Novemba 10, 1993.

Rot bai pas olgeta long: Sarere 6/11/1993 stat long 6:30 am - 6:00 pm Rot bai op ken long ol liklik ka stat long 6: 00 pm -6: 00 am Sande 17/11/ 1993 stat 6:00 am -12: 00 pm. Long ol arapela de em namel long 4/11/ 93 - 10/11/ 93, ol bai pasim sampela hap bilong rot long 6-pela awa long olgeta de.

I no gat ol bikpela ka bai ran long 24 awa long Sarere 6, Novemba,1993.

B) Ol rot long Kainantu Taun Ol bai pasim sampela hap long rot long dispela taim ol i mekim wok long stretim rot sta long Novemba 25 i go inap long Desemba 5, 1993. Planti ka bai paiim hat taim liklik long dispela taim bilong wok.

Ol kampani husat i gat ol bikpela haiwe ka i mas sensim taim bilong ol long ran long Novemba 4 i go inap long Novemba 10, 1993. Dispela em long stapim ol ka long mekim bikpela lain na stapim ol arapela ka long ran. Woks dipatmen i no laikim ol ka i ran long Novemba 5, 6 na Novemba 7.

Woks dipatmen i laikim wok bung i kam long ol pablik.

Long kisim moa toksave ringim Provinsal Woks Menesa long dispela telipon namba 72-1675.

**PROVINCIAL WORKS MANAGER
GOROKA - EHP.**



**TOKTOK BILONG RT. HON SIR JULIUS CHAN, KBE MP
DEPUTI PRAIM INISTA NA MINISTA BILONG FAINANS NA
PLANING LONG SEREMONI BILONG OPIM KONSUMA AFEAS
KAUNSI. DISPELA SEREMONI I KAMAP LONG ISLANDER
TRAVELOGE HOTEL LONG 5 NOVEMBA, 1993.**

Mi amamas long kam hia na opim Konsuma Afeas Kaunsil. Dispela Kaunsil em i bikpela rot nau bilong lukautim ol intres bilog ol pipel bilong Papua Niugini. Tasol dispela kaunsil i gat bikpela moa wok log mekim. Em i mak bilong soim olsem gavman i no tingting tasol long ekonomik developmen. Gavman i tingting tu long developmen bilong ol pipel.

Klostu wan yia i go pinis long taim bilong 1993 baset, gavman i bin promis long lukautim sindaun bilong ol pipel bilong Papua Niugini. Mipela i save olsem gutpela wokmani bai inap long strongim ikonomi bilong kantri. Tasol mipela i luksave tu olsem i mas gat narapela developmen tu i kamap.

Dispela gavman i bilip olsem nambawan wok bilong developmen, em i bilong kamapim gutpela sindaun bilon kantri bilong yumi. Sapos ekonomik developmen i no bringim gutpela sindaun long laip bilong pipel, dispela kain developmen em i nogut.

Dispela em i no mauswara toktok. Tude yumi ken lukim planti ol kantri husat i bihainim dispela kan developmen, i wok long painim hevi nau.

Long ol bikpela kantri tude, i gat hevi i kamap. I gat planti ol rabisman, ol pipel i sindaun sori. Wan wan tasol i gat gutpela sindaun.

Yumi long laik PNG i mas abrusim dispela kain trep. I tru olsem yumi laikim ekonomik developmen, tasol yumi mas skelim gut na lukim olsem dispela kain developmen bai kamapim sosol na ekonomik jastis.

Mi save em i bikpela samting. Tasol yumi inap winim dispela sapos yumi olgeta i bung na mekim samting i karim kaikai.

Olsem na long dispela yia mi wok long bung wantaim ol grup na piel na harim wari bilong ol. Mi bungim ol yunian, ol saveman, ol studen, ol bisnisman, ol meri, ol yut na planti arapela. Mi bungim tu Nesenel Lo, Oda na Jastis Kaunsil.

Bihain long mi toktok wantaim ol, mi luksave gen long wari bilong ol pipel. Ol i laik kisim gutpela bekim long hatwok bilong ol.

Mi luksave tu olsem ol senis i kamap long ekonomi i kamapim ol senis long laip bilong yumi. Yumi na ol brata, susa, papamama, bubu na tambu bilong yumi- olgeta i stap insait long senis. Yumi senis wantaim ol samting i kamap tude.

Yumi, ol konsuma em ol lain husat i wok long baim na yusim ol senis i kamap long ekonomi bilong yumi tude.

Olsem na yumi laik lukim olsem i gat lo i bosim dispela. Lo i mas was na lukim olsem ol lain i salim ol samting i no paulim yumi. Yumi kisim gutpela sevis. Mi amamas long tokaut olsem nau lo i kamap long kirapim konsuma proteksen. Gavman i mekim ol dispela samting:

- Kabinet aninit long NEC Decision No. 20/93 i tok orait long kirapim Consumer Affairs Council;
- Palamen long mun Ogas i tok orait long kamapim lo na Consumer Affairs Council;
- Consumer Affairs Council Act i kamap long gaset long 1 Okotoba na i statim wok bilong en tu long dispela taim;
- Wok bilong kaunsil bai kamap nau. I gat ol memba bilong bot na senja manesmen bilong Kaunsil na eksekutiv dairekta na asisten dairekta. Dispela kaunsil bai wok strong long was long rait bilong ol pipel bilong Papua Niugini.

Lo i luksave long rait bilong ol konsuma bilong Papua Niugini, rait bilong baim wanem samting ol i laikim, rait long kisim toksave, rait long kisim gutpela bekim long askim bilong ol na rait long gutpela envoirnmen.

Mipela i givim bikpela wok long Consumer Affairs Council tasol mi bilip ol bai mekim gut wok. Wok bilong ol bai karapim ol dispela samting;

- lukim olsem olgea samting i stret long mekim wok bilong kaunsil i ran gut long;
- harim komplek bilong ol pablik long ol samting ol i baim o sevis ol i kisim. Na kaunsil i ken harim na skelim gut ol dispela wari bilong pipel;
- givim toksave long ol pablik;
- toksave long ol pipel long rait bilong ol;
- mekim wokpainimaut na kamapim ol senis long stretim wanem kain hevi i stap;
- kamapim rot bilong stretim wari bilong pipel;
- makim ol pipel long taim bilong kot, na;
- ol narapela wok olsem promosen na konsuma edukesen.

Mi askim kaunsil tu long glasim na kamapim nupela rot we i ekn skelim ol lo bilong kastam na takis olsem bai prais bilong ol samting i kam daun liklik.

Em i no toktok tasol. Bai i gat rot long kamapim kain plen olsem o nogat? Mipela i no kamapim nating kaunsil i no gat pawa. Mipela i givim pawa long ol mekim wok na lukautim sindaun bilong pablik.

Ol dispela pawa i strong na ol i mas yusim gut. Kaunsil bai gat pawa long:

- askim man long givim toksave long ol samting em i salim o sevis em i givim long pablik. Dispela i stap aninit long Consumer Affairs Council Act.
- kisim kopi bilong ol pepa, buk na arapela samting na inspektim ol stok, arapela samting; na ol i gat rait tu long go insait long stua o ples bilogn bisnis na sekap long ol samting.

- givim oda long saplaia i mas rausim o kisi bek wanem kain prodak em inap long givim sik long pipel. Na rausim ol dispela samting we i no ken bagarapim ol pipel o envoirnmen;
- tambuim stua long salim ol samting em inap long bagarapim helt bilong pipel; putim pablik notis long redio o niuspepa na toksave long ol pipel.

Palamen i sapotim tingting bilong kirapim Consumer Affairs Council long taim bilong 1993 baset na i makim K600,000 long kirapim dispela kaunsil. Tasol long 1994, bai K4milien i go long dispela wok.

Tude yumi luksave olsem Papua Niugini i wok long senis. I gat kain kain senis i kaap na planti hevi bai kamap.

Olsem na i mas gat rot bilong lukautim rait bilong ol pipel. Ol kainkain samting i kam insait long kantri em ol amting nating. Pipel em bipela samting.

Yumi gat wok long was gut long sindaun bilong ol pipel bilong yumi. Ol i ken amamas long ol samting bilong stua. Tasol yumi mas lukim olsem i gat lo i stap long was long rait bilong ol.

Mi amamas long kam tuse na opim Consumer Affairs Council. Mi laik lukim kaunsil i wok na lukautim rait bilong ol konsuma, na wok bilong kamapim gutpela kantri bilong yumi. Sapos yupela i mekim stret wok, bai ol pipel i gat bilip na yumi ken tok, yesa, kantri bilong yumi em i wanpela stretpela kantri.





• Daga Tigers tim husat i save pilal long Roku villis op sisen lig. Oi i gat namba long daunim sampela birua tim tim.



• Wanpela tim husat i save pilal long Roku villis op sisen lig. Oi i kisim poto pastaim long gem bilong ol long las wiken.



• Simon Okono bilong NPF i rausim bal pastaim long wanpela birua i kam na kisim bal long em.



*Man o samting....*Oscar Pomaleu bilong Lands i stallim stret na stapim bal. Taim birua bilong em long NPF i traim long go kisim bal. Kain stall bilong Pomaleu i mekim na tim bilong em Lands i winim NPF 4-0. Dispela em stall bilong Mosbi Pablik Sevan soka long las wiken.



Susa ya i kalap go antap hariap em i pret nogut bal i paitim em. Dispela em stall bilong Mosbi sofbal long las wiken.



• Dispela em tim bilong KBS husat i save kik long namba wan divisen long Madang Soka Asosiesen.

Pablik sevan soka kirapim das long mosbi

WINIS MAP i raitim

PABLIK Sevan Soka Asosiesen (PSSA) long Mosbi i statim pinis kik bilong 1993/94 sisen. Namba wan kik i bin kamap long las wiken

long Bisini soka graun. Ol tim husat i bin kamapim gutpela kik long las yia na stap antap long poin lata long pinis bilong sisen i bin kisim taim liklik.

Works husat i bin autim taitel bilong 1992/93

sisen long las wiken i bin painim hat tru long daunim DCA. DCA i bin stapim gut ol pilaia bilong Works na dro 2-2.

Narapela tim husat i bin kamapim gutpela kik long las yia i bin

paia stret long han bilong birua. PTC long las yia i bin go long gren fainal wantaim Works. Na long las wiken ol boi POSF i no wari long ol telipon boi.

POSF katim olgeta waia bilong ol na sutim

tupela gol. PTC i bekim tasol wanpela.

Long dispela wiken kik bai kamap long Sande tasol bikos EPC soka bai yusim fil long Sarere. Stat long dispela wiken olgeta pilai bilong PSSA bai kamap long Sande.

Kik bilong dispela yia tu i gutpela winim bilong las yia. Long dispela yia ol i brukim ol tim i go long tupela pul. Wanpela pul i gat 10-pela klap na wan wan klap i gat tupela tim, wanpela bilong ol meri na narapela

bilong man. Long las wiken planti tim i bin kamap na pilai. Wanpela tim tasol i no bin kamap.

Dispela tim em ol McGregor meri. Ol i no kamap na NBC i winim ol long fofit.



Word i sponsa long Sogeri ragbi kompetisen

WORD Publishing kampani husat i save wokim Wantok, Weekend Sport, PNG Business na Times ol Niuspepa i sponsa bilong Sogeri Valley Ragbi Lig kompetisen.

Stat long las wiken kampani i bin givim prais i go long man i winim Man of the Match awad. Kampani i bin tokaut long givim wanpela T-set na K10 i go long pilaia husat i winim Man of the Match. Ol bai givim awad i go long pilai i kamapim gutpela pilai inap long sisen i pinis.

Maketing menesa bilong kampani, William Kotson i tok olsem kampani bai givim dispela prais i go long man husat i kamapim gutpela pilai long A gret. Ol bai givim prais long pilaia husat i pilai gut long las gem bilong ol A gret.

Kotson i tok, Word Publishing i tingting long sponsaim Man of the Match awad long Sogeri Valley lig bikos ol i save kamapim gutpela pilai winim ol arapela op sisen lig insait long Mosbi. Em i tok, sampela ol lain i save pilai long Mosbi Winfield lig tu i save pilai long

Sogeri. Bikpela tru em ol opisal i save ranim gut pilai na dispela i winim ol arapela op sisen lig. Sogeri Valley lig tu i gat sampela ol nem refari husat i save lukautim ol gem long Mosbi lig. Ol pilaia tu i save pilai gut na i no save mekim nabaut long taim bilong pilai.

Dispela tasol i bin kirapim tingting bilong kampani long sponsaim Sogeri lig. Bikos kampani i laikim pilai i mas kamap gut na em i no laik helpim ol asosiesen husat i save pait na i no kamapim gut pasin bilong spot man na meri.

Sogeri Valley lig i gat 8-pela klap. Planti bilong dispela klap i gat ol gutpela sponsa. Kotson i givim bikpela tok amamas i go long presiden, Paul Lenep long kamapim gutpela pilai. Kain gutpela wok Lenep wantaim ol eksekutiv i mekim i givim gutpela nem long op sisen lig bilong ol. Na dispela tasol i bin pulim tingting bilong ol kampani olsem Word Publishing long givim helpim.

• Ol pilaia bilong Spiders wantaim Sogeri Tigers i kisim poto pastaim long tupela i pilai egensim ol yet. Man i sanap long kona long raitan em meketing menesa bilong Word Publishing, William Kotson. Na man i sanap long lephan kona em Paul Lenep, presiden bilong Sogeri op sisen lig. *Poto Delu Sine*



• Radho Spiders A gret tim husat i save pilai long Sogeri op sisen lig. Ol tu i gat namba long kamapim bagarap long ol arapela birua tim.

PORT MORESBY MENS SOFTBALL ASSOCIATION

Points table as of 7/11/93

Team	P	W	D	L	RF	RA	A	PTS
Manolos	5	5	-	-	32	9	355.56	10
C/Tigers	5	5	-	-	17	8	212.5	10
Elcom	5	4	-	1	26	13	200	8
Hawks	5	4	1	2	19	12	158.33	5
B/Eagles	5	2	1	2	29	26	111.54	5
Gazelle	5	2	-	2	26	24	108.33	4
Fuji	5	2	-	2	28	27	103.7	4
NGI	5	1	-	3	17	30	56.667	2
Malangan	5	1	-	3	16	28	57.143	2
Chebu	5	0	-	4	7	40	17.5	0

As of 31/10/93

Team	P	W	D	L	RF	RA	A	PTS
Elcom	4	4	-	-	42	22	190.91	8
MSC	4	3	1	-	52	7	742.88	7
Malangan	4	3	-	1	31	22	140.91	6
NGI	4	2	1	1	22	16	137.5	5
Gazelle	4	2	-	2	37	33	112.12	4
Hawks	4	2	-	2	34	40	85	4
Fuji	4	2	-	2	20	26	76.923	4
B/Eagles	4	1	-	3	30	43	69.767	2
Varsity	4	1	-	3	25	43	58.14	2
Karanas	4	0	-	4	15	50	30	0

C Grade

Team	P	W	D	L	RF	RA	A	PTS
Malangan	4	3	-	1	28	16	175	6
Hanza Bay	4	3	-	1	36	22	163.64	6
MSC	4	3	-	1	38	27	140.74	6
PNGBC	4	3	-	1	35	28	126	6
Fuji	4	3	-	1	30	25	120	6
City Tigers	4	2	-	2	42	31	135.48	4
Chebu	4	1	-	3	33	33	100	2
Manolos	4	1	-	3	31	36	66.111	2
Admiralty	4	1	-	3	24	41	58.537	2
Karanas	4	0	-	0	13	50	26	0

PORT MORESBY PUBLIC SERVANTS SOCCER ASSOCIATION WEEK 2: DRAW

Sunday: November 14

Time	Division	Fixtures	Ground
8.00	M2	NPF vs PNGBC	B1
9.10	W2	NPF vs PNGBC	B1
10.00	M2	BPNG vs CMB	B1
11.10	W2	BPNG vs CMB	B1
12.00	M2	DECED vs Uni	B1
1.10	W2	DECED vs Uni	B1
2.00	M2	PM vs Teachers	B1
2.50	W2	PM vs Teachers	B1
4.00	W2	Education vs Lands	B1
4.50	M2	Education vs Lands	B1

Time	Division	Fixtures	Ground
8.00	M1	Transport vs PTC	B2
9.10	W1	Transport vs PTC	B2
10.00	M1	NBC vs POSF	B2
11.10	W1	NBC vs POSF	B2
12.00	M1	Labcis vs P/McGregor	B2
1.10	W1	Labcis vs P/McGregor	B2
2.00	W1	A/General vs DCA	B2
2.50	M1	A/General vs DCA	B2
4.00	W1	Finance vs Works	B2
4.50	M1	Finance vs Works	B2

GOGODALA COMMUNITY SOCCER ASSOCIATION Game Two - 13/11/93

Time	Teams	Division	Referees
10.00	Gerehu vs Pasiya	B	Mase
10.50	Hohola vs Malebe	B	Gerehu
11.40	Mase vs Kalu	B	Malebe
12.30	Kalama vs Kabili	W	Pasiya
1.20	Gerehu vs Pasiya	A	Mase
2.15	Mase vs Kalu	A	Malebe

Time	Teams	Division	Referees
10.00	Kalama vs Kabili	B	Pasiya
10.50	Mase vs Kalu	W	Malebe
11.40	Hohola vs Malebe	B	Gerehu
12.30	Gerehu vs Pasiya	W	Mase
1.20	Hohola vs Malebe	A	Gerehu
2.15	Kalama vs Kabili	A	Pasiya

BENSON & HEDGES SOCCER

Waram bai kirapim gen Goroka soka

OLPELA presiden bilong Goroka Soka Asosiesen (GSA), Mathew Waram i gat bikipela tingting nau long kirapim gen wok bilong soka long Goroka.

Waram i bilip stendet bilong soka long Goroka i pundaun pinis. Long dispela yia Goroka i bin bungim bikipela hevi tru.

Taim Waram i tokaut long tingting bilong em; long lusim wok presiden planti ol arapela lain i bin wari tru. Ol i no laikim Waram long lusim wok bikos em i mekim planti gutpela samting long kamapim kik long Goroka.

Long planti taim Waram i traim holim kibung long larim ol klap opisal i sindaun na makim nupela ol opisal, no gat man, save kamap. Waram yet i bin holim dispela wok long ranim kik.

Tasol long dispela taim em i no bin tingting strong long lukautim kik. Em i wok tasol long larim ol kik long go het. Dispela nau i bin kamapim bikipela hevi.

GSA long dispela yia i bin stapim sampela klap long kik bikos ol i no pinisim klap rejistresen hariap. Tasol aninit long lukaut bilong Waram GSA i bin baim olgeta pilaia rejistresen na afiliesen fi i go long Papua Niugini Futbol Asosiesen (PNGFA).

Dispela nau i bin helpim Goroka long stap insait long ol bikipela kik em PNGFA i holim. Long mun Septemba Goroka i bin salim tim bilong meri i go long nesanel wimens sempionsip long Wabag. Na long dispela wiken wanpela tim bilong ol meri bai go long Madang long stap insait long nesanel wimens klap sempionsip.

Long lukluk bilong Waram, em i lukim olsem stendet bilong soka i pundaun pinis. Na em i no laikim nem bilong Goroka i pundaun long soka. Em i tok, Goroka i bin gat nem long soka. Tasol long dispela yia sampela kain hevi i mekim na ol arapela Hailans senta olsem Wabag na Hagen i wok long go pas.

Waram i gat bikipela laik nau long statim gen kik bilong Goroka long neks yia.

Waram i no laikim tru nem bilong Goroka i pundaun na em i tingting long kirapim gen soka long neks yia taim 1994 sisen i stat.

Soka sempionsip bilong meri i kamap long Madang

WINIS MAP I raitim

MADANG Soka Asosiesen (MSA) i amamas tru long holim kik bilong ol meri. Dispela kik bai kamap long dispela wiken na bai pulim planti lain.

Dispela yia tu bai namba wan taim bilong Madang soka long holim wanpela bikipela kik bilong ol meri. Madang i no bin holim wanpela sempionsip bilong ol meri liklik. Papua Niugini Futbol Asosiesen (PNGFA) i save makim ol arapela senta long holim kik bilong ol meri.

Tasol long dispela wiken ol lain i save bihainim soka long Madang bai amamas long lukim ol meri i brukim bun long Madang.

Nesanel klap sempionsip bilong ol meri em i nupela kain sempionsip. PNGFA i statim dispela resis long dispela yia long traim kamapim kik bilong ol meri.

Long kik bilong nesanel wimens klap sempionsip, ol tim husat i maina primia tasol bai kik. Tasol ol dispela tim i mas kam long ol soka asosiesen husat i momba bilong PNGFA.

Klap sempionsip bilong ol meri i no wankain olsem bilong ol man. Long nesanel klap sempionsip bilong

ol man, ol maina primia bilong A senta tasol bai kik. Tasol long sempionsip bilong ol meri ol A na B senta i ken kik.

Dispela nupela sempionsip bilong ol meri bai pulim samting

olsem 7-pela tim. Dispela ol tim bai kam long Mosbi, Goroka, Wabag, Hagen, Simbu, Rabaul na Madang.

Presiden bilong MSA, Peter Angasa i

tok em i amamas tru long PNGFA long makim Madang olsem ples bilong holim dispela namba wan nesanel wimens klap sempionsip.

Angasa i tokim Wan-

tok olsem olgeta wok bilong redim ol samting bilong kik i kamap gut tasol. Ol tim husat i go kik bai slip long Madang Teachers koles. Na olgeta kik bai kamap long YC graun long Madang.



•Dispela pilai bilong Lands i pulim bal i go eria bilong NPF. Kain stail i mekim na Lands i winim NPF 4-0. Foto Ivan Bayagau

Isten Papua Kanival i stat

NAMBA WAN kik bilong Isten Papua Kanival (EPC) long Mosbi, soka resis bai kamap long Sarere. Samting olsem 38 tim i givim nem pinis.

Long las yia 46 tim i bin kik na long dispela yia 38 tim tasol i givim nem. Ol arapela 8-pela tim i no bin givim nem hariap. Sampela bilong ol i no bin baim rejistresen fi.

Wanpela gutpela samting em namba bilong ol tim i kik long divisen bilong ol meri i wankain yet. Long las yia 14 tim i bin kik na

long dispela yia 14 tim gen i givim nem. Tupela tim bilong meri, Batu na Stone Axe i no givim nem hariap olsem na ol i no inap kik.

Na long kisim ples bilong tupela, EPC i amamas long lukim narapela tupela nupela tim bilong ol meri, Nim na Defence.

Namba bilong ol tim i pilai long divisen bilong man i go daun tru. Long las yia ol man i gat 32 tim. Na long dispela yia ol i gat 24 tim tasol. Tupela nupela tim bilong ol man em

Defence na Nim. Presiden bilong EPC soka, Nagia Tomdia i tok em i sori long lukim olpela tim olsem Stone Axe i no givim nem long resis. Stone Axe i wanpela tim husat i bin kik long EPC long taim ol i kamapim dispela resis.

Dispela yia em i 16 yia bilong EPC soka na kain tim olsem Stone Axe i bin stap taim ol i statim resis. Long dispela yia ol i no rejista na dispela i mekim presiden i wari. Bikos em i no laik lukim kain tim olsem Stone Axe

long lusim kik. Wanpela bikipela hevi bilong EPC soka em ples bilong pilai. Nau yet ol bai yusim fil long Bisini soka graun long Sarere tasol. Bikos ol lain Pablik Sevan Soka tu bai yusim dispela fil long Sande.

Dispela hevi nau bai skruim taim bilong kik i go long 5-pela wiken olgeta. EPC soka i save holim kik bilong em long 4-pela wiken. Na long traim helpim kik ong kamap gut ol i tingting long yusim fil long Mari Bareks.

No gat klap sempionsip bilong ol man

PAPUA NIUGINI Futbol Asosiesen (PNGFA) i stapim pinis kik bilong nesanel klap sempionsip bilong ol man. Ol i bin tingting long holim dispela kik long Novemba 25 i go inap long Novemba 28.

Presiden bilong PNGFA, Peter Mommers i tokaut long Tunde apinun olsem PNGFA bai no inap holim dispela kik long dispela yia. Sampela hevi i kamap olsem na ol i tingting long stapim kik.

Wanpela bikipela hevi

PNGFA i bungim em ol senta i no baim K100 nominesen fi bilong ol hariap. Ol A senta husat i afiliet wantaim PNGFA pinis husat i mas stap insait long dispela kik i no bin baim nominesen fi hariap.

PNGFA i bin askim ol tim husat i kamap maina primia long ol A senta long stap long kik. Na ol i askim ol dispela tim long baim K100 nominesen fi pastaim long Novemba 3, 1993.

Bihain long dispela

taim PNGFA i makim wanpela senta tasol i baim, taim olgeta i no baim fi bilong ol. United soka klap bilong Wabag i wanpela klap tasol i bin baim K100 nominesen fi bilong ol.

Plantu senta i bin tokaut long nem bilong tim husat i maina primia tasol ol dispela tim i no mekim sampela samting long nominet hariap. Ol maina primia husat i mas stap insait long kik em Rabaul (Vitiav), Mosbi (Yuni-vesiti), Hagen (Wantoks), Madang

(Momase), Lae (Mitif), Wabag (United) na Manus (Lepon).

Kik bilong nesanel klap sempionsip bai kamap long Novemba 25, na PNGFA i laikim nem hariap na ol i ken redim ol samting bilong kik. Tasol nau yet ol i no kisim sampela kain bekim i kam long ol dispela senta olsem na PNGFA i stapim kik long go het.

PNGFA nau i tingting long holim AGM bilong em long Mosbi. Ol i bin tingting long holim long Rabaul

THE NATIONAL

gives you the choice of...


- * *Brighter, . . . more colourful pages!*
- * *Better in-depth reporting!*
- * *More news . . . more information!*
- * *More to interest everyone!*

THERE is now a new paper in Papua New Guinea - "The National".

It is a newspaper that reflects the national interests of our country, as the masthead, in the colours of the national flag, demonstrates.

With the new paper you now have an alternative and a choice... a more balanced diet of news about our country and ourselves.

"The National" is a bright and active paper, with many pages presented in colour. Get "The National" now!



THE NATIONAL

A bold new paper for PNG

THERE is now a new paper in Papua New Guinea — The National. It will be a newspaper to reflect the interests of our country, as the



BENSON & HEDGES SOKA

Wantok

Lae na Manus i aut long sempionsip!

WINIS MAP I raitim

MANUS na Lae bai no inap salim tim bilong ol

meri long stap insait long nesenel wimens klap sempionsip em bai kamap long Madang long dispela wiken.

Pastaim long dispela kik i kamap Manus Soka Asosiesen (MSA) i bin tingting strong tru long salim tim. Tasol sampela hevi i kamap

na ol i stapim ol meri long go kik. Sampela wik i go pinis Manus i bin holim provinsal soka tona-men bilong tim bilong

man na meri long tupela klap sempionsip. Bihain long sempionsip Lepon i bin kamap namba wan

long kik bilong ol man olsem na ol bai makim Manus long go long Rabaul long nesenel klap sempionsip. Tupela tim bilong ol meri i kamap namba wan wantaim na ol i no bin tokaut hariap.

Presiden bilong MSA, Jones Bernard i tok Manus i gat sampela liklik hevi olsem na ol i no inap salim tim bilong ol meri. Em i no bin tokaut long hevi Em i tok eksekutiv i mas glasim, pastaim bipo long em i autim long niuspepa.

Narapela senta husat bai no inap go em Lae. Lae bai no inap salim tim i go long Madang. Maina primia bilong ol meri long Lae em Bara. Tasol nau ol meri Bara bai no inap go long Madang.

Papua Niugini Futbol Asosiesen (PNGFA) i stapim Lae bikos ol i no baim pilaiia rejistresen fi hariap. Lae i bin tingting long baim olgeta fi bihain long ol i holim gren fainal kik long Novemba 7. Tasol nau Lae i no holim yet gren fainal

olsem na ol i no baim fi.

Dispela asua nau i stapim ol meri Bara long go long Madang. Ol eksekutiv bilong Lae soka i no bin bihainim tok promes ol i wokim wantaim PNGFA. Ol i bin askim PNGFA long marimari long ol taim ol i no baim fi hariap.

Pait i bin kamap long Lae long taim bilong semi fainal. Na dispela i bin bagarapim olgeta plen bilong Lae Futbol Asosiesen. Dispela hevi nau i mekim PNGFA i kros na stapim Lae long salim tim long nesenel sempionsip.

Wanpela tim husat i gat bikpela laik tru long kik em Rabaul. Vitiaz soka klap bilong Rabaul i bin kamap long Madang long las wiken na ol i stap samting olsem wanpela wik nau bipo long kik i stat.

Dispela i soim tru olsem ol susa long Rabaul i gat bikpela laik tru long winim pilai. Ol bai traim stapim ol arapela tim long winim ol.



*Hat wok i lus nating...*Dispela pilaiia bilong NPF i redi long rausim bal taim birua bilong em John Mogi bilong Lands i kam klostu long traim stapim em. NPF i no strong na Lands i winim ol 4-0. Diapela em long kik bilong Mosbi Pablik Sevan soka long las wiken. *Poto Ivan Bayagau*

Intenesenel kik bilong ol meri bai kamap long PNG

PAPUA Niugini bai holim bikpela kik bilong World Cup Qualifying Series bilong ol meri long 1994. Dispela em kik bilong ol meri insait long Osiena.

Ol i bin tokaut long dispela taim ol soka eksekutiv bilong Osiena i bung long Fiji long las wik.

Presiden bilong Papua Niugini Futbol Asosiesen (PNGFA), Peter Mommers i tok em i bin painim hat tru long kisim sapot i kam long arapela Pasifik Ailen kantri. Planti i no bin sapotim Papua Niugini long holim dispela bikpela kik.

PNG i laki long winim dispela resis long holim World Cup Qualifying Series kik bilong ol meri. Bikos ol brata bilong yumi long Vanuatu i bin givim bikpela sapot tru.

Vanuatu long dispela yia i no gat ol meri i resis long kompetisen. Na ol i laikim tru PNG long holim dispela kik.

Pastaim long dispela ol i bin makim Fiji long olsem ples bilong holim anda 20 sempionsip long Septemba 1994. Fiji i bin tingting long holim anda 17 na anda 20 sempionsip. Tasol lo bilong Osiena i no laikim wanpela kantri long holim tupela sempionsip. Olsem na ol i makim Vanuatu long holim anda 17 sempionsip.

Long dispela taim planti kantri i no amamas tru long PNG. Australia i tok PNG i no gutpela ples tumas long holim kik. Bikos ol i tok sekyuriti bilong ol pilaiia i no gutpela. Na tu ol i tok PNG i save sasim bikpela mani long ples bilong slip, kaikai na ol arapela samfing. Nu silan tu i bin gat wankain tingting olsem Australia. Ol lain long Fiji tu i no bin laikim PNG long holim kik.

Cook Ailan na Westen Samoa tu i no laikim PNG bikos ol i tok em i longwe tumas. Na bai kostim bikpela mani long go pilai long PNG.

Long dispela taim Vanuatu i wokim liklik giaman bilong ol na askim Nu Silan sapos ol i gat laik long holim sempionsip bilong Anda 17. Nu Silan i tok orait na Vanuatu i larim Nu Silan long holim anda 17 kik. Na ol i askim Nu Silan long lus tingting long resis long holim World Cup Qualifying Series bilong ol meri.

Ol soka sapota egens toktok bilong nesenel kosa, Turia

TOKTOK nesenel soka kosa, Joe Turia i mekim long niuspepa i wokim sampela ol soka sapota i no amamas.

Turia i bin toktok long niuspepa olsem Papua Niugini i gat 50-50 sans long winim kik long taim bilong Mini Saut Pasifik Gems long Vanuatu. Dispela toktok bilong Turia i bin kamap long *Post Courier niuspepa* long Oktoba 27, 1993.

Sampela soka sapota i bin lukim dispela ripot na i no amamas tru. Wanpela sinia soka pilaiia long Mosbi i tok em i no amamas long kain toktok Turia i mekim.

Dispela pilaiia i tok, nesenel kosa i no bin mekim gutpela pasin taim em i tok PNG i gat 50-50 sans long winim kik. "Kain toktok nesenel kosa i mekim i daunim tasol tingting bilong ol pilaiia," dispela pilaiia i tok.


Kain toktok bilong Turia tu i wokim ol pilaiia bilong em i no gat bilip long em. Ol pilaiia nau i save olsem kosa bilong ol i no gat bilip long ol long kamapim gutpela kik. Na dispela nau bai bagarapim gutpela wok bung namel long em na ol pilaiia pastaim long ol i go long kik.

Dro PNG Spot Federesen i kisim i soim olsem PNG soka tim bai kik long pul B. Dispela pul i gat ol strongpela soka kantri olsem Fiji, Solomon Ailan na Frens Polinesia. Fiji i bin winim gol medal long 1991 Saut Pasifik na Solomon Ailan i bin winim silva medal.

Olsem na Turia i lukim dispela na tok PNG i gat 50-50 sans. Bikos ol i pilai long pul we i gat tupela strongpela tim. Tupela tim tasol long wan wan pul bai i go insait long fainal. Na sans bilong PNG long go long fainal em stap namel.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

BENSON & HEDGES SOCCER





REBO

OL WESPAK I TRAI HAT TRU LONG PUTIM TRAI TASOL OL BOIS BILONG REBO I STRONG TRU NA RAUSIM OL I GO AUT LONG FIL!!!



NAI REFERI I TOKIM OL LONG SKRAM. WANTU OL P.N.G.B.C WINIM SKRAM NA SALIM BAL I GO AUT!!!



NAMBA SEVEN SALIM BAL I GO LONG NAMBA SIKS (PHILIP) NA EM I RON I GO!!!



TRAIPELA PROP-FOWET BILONG WESPAK I MEKIM BIKPELA HAI-TAKOL STRET LONG PHILIP NA REFERI I LUKIM!!!



REFERI I PENOLAISIM OL NA GIVIM 10-MINIT SINBINLONG EM!!!



REBO I TRAIM LONG KISIM TU-POIN LONG PENOLTI KIK!!!



HEY, WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM


WANTOK

NIUSPEPA BILONG OL PAPUA NIUGINI STRET

EM NIUSPEPA BILONG YUMI OL PAPUA NIUGINI STRET!

INO DIA TUMAS. 40¢ TASOL!

Raun long TradeFair



•Lephan : Wanpela wokman bilong Word Publishing niuspepa kampani-nem bilong em John Rope i wok long sanap long stol bilong kampani bilong em na salim ol samting i stap.

•Name! : Dispela meri husat i werim aiglas i wok long salim ol samting long stol bilong Tasty Bite.
•Raithan Stella Torea husat i bin stap olsem Mis M3A na resis long kamap Mis PNG ; karim kasen susa bilong em Fhelameya na sanap i stap long stol bilong SP Brewry.

MANAMI PAIA!



SUPA SWIT MOA

I GAT PAWA! I GAT STRONG!

HURAYY!
TENKIU TRU SUPA SWITMOA
HOORAY!

MUSIK NA TELEVISEN

PAPUA NIUGINI



Oi Buang kirapim das long Mosbi

I KAM LONG Ela Motors

OL WIL BILONG NESEN

AMERICAN TOP FORTY

AS AT 13/11/93

CUR.	TITLE	ACT NAME
1.	All That She Wants	Ace Of Base
2.	Dreamlover	Mariah Carey
3.	I'd Do Anything For Love (But I Won't D That)	Meat Loaf
4.	The River Of Dreams	Billy Joel
5.	No Rain	Blind Melon
6.	Again	Janet Jackson
7.	What Is Love	Haddaway
8.	Two Step Behind	Def Leppard
9.	Another Sad Love Song	Toni Braxton
10.	Sweat	Inner Circle
11.	Cryin'	Aerosmith
12.	Right Here/Human Nature	SWV
13.	IF	Janet Jackson
14.	Runaway Train	Soul Asylum
15.	Ooh Child	Dino
16.	Better Than You	Lisa Keith
17.	Everybody Hurts	R.E.M.
18.	Baby I'm Yours	Shal
19.	Can't Help Falling In Love	UB40
20.	Hey Jealousy	Gin Blossoms
21.	Wild World	Mr. Big
22.	If I Had No Loot	Tony! Toni! Tone!
23.	Please Forgive Me	Byran Adame
24.	Break It Down Again	Tears For Fear
25.	Reason To Believe	Rod Stewart
26.	Soul To Squeeze	Red Hot Chili Peppers
27.	Lately	Jodeci
28.	Anniversary	Tony! Toni! Tone!
29.	Will You Be There	Michael Jackson
30.	Rain	Madonna
31.	Runaway Love	En Vogue
32.	Human Wheels	John Mellencamp
33.	Pink Cashmere	Prince
34.	Show Me Love	Robin S.
35.	Jimmy Olsen's Blues	Spin Doctors
36.	I Don't Wanna Fight	Tina Turner
37.	Hopelessly	Rick Astley
38.	Nothing 'Bout Me	Sting
39.	Hero	Mariah Carey
40.	Too Much Information	Duran Duran



LAS WIKEN wanpela bikman bilong Morobe i bin go pas long wanpela singsing grup long Bomana.

Planti manmeri i save lukim ol lain bilong hap bilong Morobe olsem Bukawa, Siassi na Fin-safen i singsing. Tasol planti i no save long kain stail bilong ol Mumeng.

Las wiken Baleng Guape i soim ol stret stail bilong Mumeng. Baleng i bin kam long Mosbi bikos ol i singautim em long go pas long ol singsing bilong Mumeng bikos em i wanpela top man stret bilong singsing tumbuna.

Baleng i bilong ples Sabusatep insait long Kapin eria long Mumeng, Morobe provins. Em i gat 5-pela pikinini na olgeta i stap long 2-Mail stelemen long Lae siti.

Taim Baleng i ran long balus i go long Mosbi, tingting bilong em i pas stret long singsing. Ol wantok i bin singautim em bikos wanpela bikpela singsing i bin kamap long Sir Hubert Murray Stadium olsem na ol i laikim em long kam na skulim ol.

Ol beg Baleng i karim

i bin gat ol saimting bilong singsing tasol. Wanpela bikpela beg i bin gat ol gras bilong pisin na ol bilas bilong hangamapim long nek.

Ol lain wantok bilong Baleng i bin amamas taim em i go kamap long ol. Long moning long Sarere em i kisim ol na skulim ol liklik na bihain ol i go hatim stret singsing long Konedobu.

Dispela singsing bilong ol lain Kapin ya i bin narakain liklik bikos ol meri tu i wok long holim ol longpela diwai na kalap na meknais nabaut.

Planti ol man i bin go na lukim kain stail bilong ol lain Kapin na i bin tok dispela singsing bilong ol i gutpela tru.

Lapun Baleng i tokim Wantok Niuspepa olsem planti manmeri nau i wok long lus tingting long pasin bilong bipo olsem singsing tumbuna.

Tasol ol i mas save olsem tumbuna singsing em i gutpela na i gat kik.

Nau yet Balen i stap wantaim wanpela susa bilong en na ol wantok long 9-Mail long Mosbi. Bihain bai em i go bek long Lae

EMTV TELEVISEN


THURSDAY 11TH NOVEMBER, 1993

1:27	STATION RE-OPEN
1:30	RAY MARTIN (PGR)
3:00	AT MIDDAY
	KIDS KONA
	SESAME STREET (G)
4:00	KIDS KONA
5:27	EMTV TOK SAVE
5:29	EMTV NEWS BREAK
5:30	HOME AND AWAY (G)
6:00	NATIONAL EMTV (G)
	NEWS
6:30	A CURRENT AFFAIR (G)
7:00	SALE OF THE CENTURY (G)
7:30	LOTTO DRAW (G)
7:31	SUPERSOUND NEW RELEASE
7:35	NEIGHBOURS (G)
8:00	EMTV TOK SAVE
8:05	FIZZ (G)
9:00	MARRIED WITH CHILDREN (PGR)
9:30	LOVE AND WAR (PGR)
9:57	SUPERSOUND NEW
10:00	A COUNTRY PRACTICE (G)
11:00	NATIONAL EMTV NEWS REPLAY (G)
11:27	MEDITATION WITH

11:30	PASTOR WALO ARNI STATION CLOSE
	FRIDAY 12TH NOVEMBER, 1993
10:50	STATION RE-OPEN
10:55	SUPERSOUND NEW
10:57	EMTV TOKSAVE
11:00	RAY MARTIN AT (PGR)
12:00	CRICKET (G)
2:30	ALL STARS TO THE RESCUE (G)
3:00	CRICKET (G)
5:27	EMTV TOK SAVE
5:30	HOME AND AWAY (G)
6:00	NATIONAL EMTV NEWS
6:30	A CURRENT AFFAIR (G)
7:00	SALE OF THE CENTURY (G)
7:27	SUPERSOUND
7:30	NEIGHBOURS (G)
8:00	RESCUE 911 (G)
8:30	AUSTRALIA'S FUNNIEST HOME VIDEO (PGR)
8:57	EMTV TOK SAVE
9:00	FRIDAY NIGHT MOVIE "Trouble In Paradise"
10:30	FOCUS (G)
11:00	NATIONAL EMTV NEWS REPLAY
11:27	MEDITATION WITH

11:30	PASTOR WALO ARNI STATION CLOSE
	SATURDAY 13TH NOVEMBER, 1993
12:17	STATION OPEN
12:20	FIRST TEST CRICKET "Australia vs New Zealand"
2:30	GILLETTE (G)
3:00	CRICKET CONTINUES
5:00	BONANZA: (G)
5:55	SUPERSOUND NEW
6:00	NATIONAL EMTV (G)
	NEWS
6:30	HEY HEY
	IT'S SATURDAY (G)
8:30	NCDC NEWS (G)
8:50	TOK SAVE
8:55	SUPERSOUND NEW
9:00	BURKE'S BACKYARD (G)
10:00	HAWAII 5-0 (PGR)
	"To Kill A Mind"
11:00	NATIONAL EMTV NEWS REPLAY
11:27	MEDIATION WITH PASTOR WALO ARNI
11:30	STATION CLOSE
	SUNDAY 14TH NOVEMBER, 1993
9:17	STATION OPEN
9:20	BUSINESS SUNDAY (G)

10:20	SUNDAY (G)
12:20	FIRST TEST CRICKET Australia vs New Zealand
2:27	SUPERSOUND NEW
2:30	GILLETTE (G)
3:00	CRICKET CONTINUES(G)
5:00	BONANZA (G)
5:57	SUPERSOUND NEW
6:00	NATIONAL EMTV NEWS
6:30	WONDERFUL WORLD OF DISNEY (G)
7:25	EMTV TOK SAVE
7:30	60 MINUTES (G)
8:30	SUNDAY NIGHT (PGR)
	MOVIE: "Cactus Jack"
9:57	CHIT CHAT
10:00	LUMEN 2000 (G)
10:30	NATIONAL EMTV NEWS REPLAY
10:57	MEDITATION
11:00	STATION CLOSE



PNG TOP TWENTY

AS AT 06/11/93

NO.	SONG	ARTIST
1 (2)	A Mistake Ava	Leonard
2 (7)	Askere	H. Maeca
3 (6)	10 x Pekitona	Pongoros '93'
4 (1)	Lukluk Tamavatur	Barike
5 (3)	Soldier Boy	Darkends
6 (4)	Pinky Ponky	Darkends
7 (10)	Swit Smile	Vuvu Vibrations
8 (12)	Kir Ta Prove	Kokoratts
9 (5)	Data Tutu	Festalight
10 (8)	Bihain Taim B/vil	C. Survivors
11 (9)	Sauga Mei	Sauga Band
12 (11)	Josephine	Leonard
13 (18)	Seaside	Jr. Kopex
14 (19)	City Meri	Kanini Bros
15 (15)	No Compromise	M. Manimbi
16 (14)	Swit Finche	Reks Band
17 (17)	Pavora Easo	Paraisa Band
18 (0)	Chako Chako	Chaco Chaco
19 (0)	Lewa I Lusim Mi	C. Survivors
20 (20)	Eye Blong Yu	Leonard

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.